



36397

Val. Komp.

I

Mag. St. Dr.

P

Disserta-

tio canonum in materia de sacra-


mentis in specie.


Cracov. 1776.

Feet. 3434.



X. i. 76
x. iv. 18.





IN NOMINE DOMINI, AMEN.
DISSERTATIO
CANONICO-MORALIS
DE SACRAMENTIS IN SPECIE,
CUM RESOLUTIONIBUS CASUUM
EX

Corpore Juris Canonici
DESUMPTA.

jam vero
ad demonstrandum specimen perfectus
SACRÆ JURISPRUDENTIÆ AUDITORUM.

per
M. FRANCISCUM ANTONIUM
CWIERZOWICZ,
Juris Naturæ *actualem; nuper* Casuum Conscientiæ *ex* *Foundatione*
DOCTORIANA Professore, Collegam Juridicum, Ecclesiæ
Collegiæ SS. OO. Cracoviæ Cancellarium.

Respondente ad objectiones

V. D. MATHIA KASZEWICZ,
Min. OO. Clerico, Theologiæ & Lectionis dictæ Auditore.

Publicæ Disputationi

In Lectorio Collegii CC. DD. Jure-Consultorum
Cracoviensis Scientiarum Universitatis

E X P O S I T A.

Annô: ConsCientIIs peCCatI eX toto & Integro sanCto;
* ob sanCtIfICatIoneM IVbILæI. 1776. * Levit. 25. v. 12.

Die 21. Mensis Martii.

Cracoviæ, Typis Seminarii Episcopalis Academico-Diocesani.

In Stemma Gentilitium
ILLUSTRISSIMÆ
DOMUS.



36.334

I.

- I. Religio Regno quum se sponsaret Amicant,
Pro Gemma; hæc Patriæ tuta Sagitta stetit.
- II. Quam meritum Fidei Pignus! Decus, Annulus iste,
Integritas ambas cui dedit ecce Manus.
- III. Incorrupta Fides Patriæ ac Homini quæ DEO quæ
Excubit* à quovis munere fonte Manus.

* Isaïæ cap. 33. v. 15. Ille in excelsis habitat. vers. sequens.

Ad
PERILLUSTREM & REVERENDISSIMUM
DOMINUM
SAC. ROM. IMP. COMITEM
D. VENCESLAUM
De Bogustárwice
SIERAKOWSKI,
Utriusque Juris DOCTOREM, Ecclesiarum;
Cathedralis Cracoviensis CANONICUM, Insignis
Collegiatae Sandomiriensis; nec non Parochialium;
in Łętownia & Jordánow
PRÆPOSITUM, &c.
MECOENATEM AMPLISSIMUM
DEDICATORIA.



*Et interno dictamini; & illaudatæ nusquam
humanitatis legi, debitæ nempe gratitudinis
Officio sum obsequutus, quòd ex gesta sexen-
niò Casuum Conscientiæ Juridica Professione, expositæ
Dissertationi modernæ Asylum Patrocinii apud Te
quæro, Tuam Protectionem appello. PERILLUSTRIS*

REVERENDISSIME DOMINE. *Namque: dum ab initio rem evolam; si forsitan aliunde quem ignarum negotii præsentis comperiam, ad hoc, quò se in luce versari faciam. —* **LUCAS DOCTOR** Canonicus Cathedralis Cracoviensis, Parochialis Oswiecimensis Præpositus, hoc perpetuum amoris sui erga sacras Litteras & Domum Ordinandorum, publico Diæcesis Bono in Collegio Jure-Consultorum Universitatis Studii Generalis Cracovien. (a) Monumentum reliquit, atque una cum aliis munificentiae suae Ordinationibus per Tabulas ultimæ Voluntatis sub Tuitione **ILLUSTRISSIMI & REVERENDISSIMI CAPITULI** Cathedralis Cracov. illæsum, sartum tectumq; servari voluit, ex quo: Jus petendi apud Reverendissimam Dominationem Vestram exigua hæc opella est nata, jamque in Illa omnes, quos capit altè fatum **ILLUSTRISSIMUM & REVERENDISSIMUM CAPITULUM** Patronum **PRÆLATOS & CANONICOS**, repræsentatione in jure respectivo fundata contemplatos esse probè agnoscit, quinimò demissè colit & veneratur. Verùm enimverò ex ipso quodammodò nexu Conscientiæ, quam concludentem scientiam (ex sensu (b) Sancti Antonini) compellare licet, quid hìc & nunc agendum esset? Cujus speciali Patrocinio tantillus iste partus! cedere deberet? exoptatum Præsidium: per rectam, justam, atque omni æquitati consonam
confe-

(a) Die 4ta Mensis Aprilis A. D. 1634. maximè pro Clericis Seminarii, solius tunc Arcensis Cracoviæ. (b) Biblioth. per Li Parochi e Cappellani. Tom. 12. Dissert. 3ia. de Conscientia.

*consequentiam, cœli favorable sidus! Nomen Honorq;
Reverendissimæ Dominationis Vestræ votis meis
adspirat.*

*Ita benignè fretus; quid ex me obstricto pro utroque
Foro Reverendissimæ Dominationi Vestræ obliga-
toriè exponam? in tanta Magno Nomini junctæ eru-
ditionis, affabilitatis Sux erga omnes ubertate, quasi
quotidianis quibusdam (mihi etiam haud ignotis) expe-
rimentis? Non jam speculationi nudæ ad proficiendum
in Causa præsentis locum adesse censeo, verum practicè
practicis ex Oraculo Doctoris Gentium (c) Factori-
bus Legis, in Candelabro Ecclesiæ Reverendissimam
Dominationem Vestram multis propositum in Exem-
plum. Demirari fas est siquidem: in Stallo devotum,
in Judicio Justitiæ Administram perfectum, in consilio
sanum, prudentem in lætitia, purum in conscientia, in
Oratione frequentem, Zelô salutis Animarum; quibus
DEI FILIUS in terris agens; Vitam suam, operas
& labores dicavit, ad omnes Pastoris Boni numeros
exactè impensum, patientem in adversitate, in prosperi-
tate non tumidum, divitem in Virtutibus, expeditum in
actibus, Sapientem in sermone, candidum in conversa-
tione, in familiari confesso multiplici linguarum peritiâ, nec-
non usû rerum versatum, verbô: per omnia suavissimum.*

*Quid? si liceret mihi per modestiam Reverendissimæ
Dominationis Vestræ laudare adhuc animum Suum,
exhiberem illum non qualem habent, qui solùm habent,
sed qualem nobilissima indoles reddit; & qualis ille eam*

perficit. Proponerem hunc ornatum Virtutibus & ornan-
tem Virtutes, describerem illum: diversis maturè in-
structum scientiis & scientias instruente, ostenderem
illum generosum, (prout jam memini) justum, constantem
sub inconstante fortuna, & sub inæquali semper æqualem.

Saltem si Illustrissimam Familiam Tuam Reve-
rendissime Domine laudari à me & nominari per-
mitteres, ostenderem Illam pugnante pro Aris & Fo-
cis, atque in Aras extruendas & dotandas; tum & alias
Bonum Patriæ liberaliter effusam, Sagatam & Toga-
tam, ut hodie Infulatam pluribus Infulis, Archi-Præ-
sulca Cruce fulgentem, rubentem pluribus Purpuris,
pugnante pro FIDE & REGE, CÆSARUM RE-
GUMque Potentium Augustis MAIESTATIBUS
gratam, ac utrobique intemeratè sinceram, numerantem
septem propè (d) sæcula Præcellæ Suæ Prosapiæ.
Deducerem Sanguinem illum quò vivis: ex venis Du-
cum, Principum, qui defluxit ad Te purpureus, &
Purpurâ dignus intra Te est.

Obversis in Te non Domine modò Orbis Romæ,
sed aliarum Nationum omnium quas nuper adisti oculis
ac studiis: delicio an non fueras? quando illarum non
habitum modò oris lineamentaqué; sed politissimi etiam-
num animi vigorem & sublimitatem in Te prout in illimi
fonte sive tersissima crysallo redditam, omnes quicunq;
adspectabant, non hospitante resedisse, verum firmiter
immotaque manere fatebantur.

Omitto

Omitto hæc omnia, cè quòd sic missa esse velis, ut non in-
geram iussu, dum tamen ab ipso laudatione, laudationem facio.
Scilicet: ipse hæc laudum maxima est, nolle laudari, et laudabi-
lem esse. Mereris Reverendissime Domine laudes omnes, dum
omnes respicis. Et quis quis hoc dicat de Te; Tuas emeritas lau-
des recitat, hoc ipso: quod de illis tacet. Simile quia ac Con-
scientia erit, novum tale elogii genus, in laudes magna
referre; dum ea prætermitto, aut vix cursim commemoro. Con-
scientiâ siquidem (quâ nemo caret, si homo est) nulla scientia
minùs loquax. Et minùs verbosa est, tamen ista in quolibet no-
stri, quid faciendum fugiendumque; præconis instar promulgat!

Offro itaque jam hanc ex Studio Canonico-Morali
Casuum Conscientiæ ea parte excerptam, devictæ meæ erga
Reverendissimam Dominationem Vestram voluntatis signi-
ficationem, Æternum simulac Immortalem Conscientiarum
JUDICEM, DEUM Optimum Maximum precabor, ut Re-
verendissimæ Dominationis Vestræ digna Honore mandata
indies exequi valeam, sicquæ ingratitude notam nusquam in-
curram, tum: ut in ulterius Ecclesiæ & Patriæ Pectus, Lit-
terarum Præsidium Reverendissimam Dominationem Vestram
incolumem diu servet, nequæ antea Secum fortunam sortiri
desinere fecerit, quam Insulam cum Curuli donet, non semel
Avitæ Genti ILLUSTRISSIMÆ SIERAKOWSCIORUM
illata, in possesso pridem Domestica. Ita vovet:

NOMINI & HONORI
Perillustri Reverendissimæ
Dominationis Vestræ,

devotus Cultor & observantissimus servus
Author opellæ.



Cavenda est Conscientia nimis larga & nimis stricta, nam prima generat præsumptionem, secunda desperationem. Prima sæpe salvat damnandum, secunda contra: damnat salvandum. S. BONAVENTURA *Comm. Theol. verit. Lib. 2. cap. 32. num. 1.*

Per sublimiorem Jurisprudentiam *Canonica*, quæ etiam Concilia adeòquæ Sacros fontes vestigat, plurima ad Fidem pertinentia tractantur - - - & quò ad hanc partem nihil prohibet idem judicium ferre de *Jure Canonico* ac de *Theologia*. - - - Habet igitur cum *Theologia* affinitatem non modicam *Jurisprudentia Canonica. fel. mem. BENEDICTUS XIV. Summus Pontifex. Instit. Eccl. 42.*



DISSERTATIO CANONICO-MORALIS, De Sacramentis in Specie.

§. I mus:

De Baptismi Sacramento.

Ad Decreti tertiam partem, de Consecr. Dist. IV. Decretal.
Greg. Lib. III. Tit. XLII. Clementinar. Lib. III. Tit. XV. c. unic.



CANONISTÆ: quod suo
modò dicantur Theo-
logi Morales, quisq;
præsertim non igna-
vus utrinquē, faciliē id conces-
serit. Expedita proin in antè
proximè simili concertatione,
in materia de Constitutionibus
Ecclesiasticis ex Lib. I. Instit.
Juris Canonici Tit. III. petita,
cū ordine Professionis, tum
ex connexionione Casuistarum cum
Canonistis: opere pretium mo-
dernæ est, materias diversas
morales relatè ad SACRAMENTA
in specie, ex Corpore Juris Ca-
nonici percurfas, seorsivè hīc
adferre.

Ast siquidem BAPTISMUS est A

fundamentum & janua omnium
Sacramentorum. c. Veniens.
de Presb. non bapt. meritò
ab eo principium sumendum,
prinaquē fronte de hoc agen-
dum venit. Ejus natura juxta
DD. est, quod sit: *Ablutio*
corporis exterior, facta in
agua ab alio ablucnte, adhi-
bita certa verborum formā,
interiorem animæ abluionem
designante, imò O operante.

Trifariam dividitur, in
aliū *Fluminis*. hoc est aquæ
cum verbo. *can.* Detrahe ver-
bum. I. q. I. c. Debitum. de Bapt.
O *eius eff.* de quo in præsen-
tiarum; & solus iste est Sacra-
men-

mentum, reliqui scilicet fluminis & sanguinis, solum per quandam analogiam appellantur Baptismi, quatenus suppleant vicem veri Baptismi. Alium *Fluminis* hoc est spiritus sive desiderii. *c.* Apostolicam. *de Presb. non bapt.* dum quis credit CHRISTUM & vellet baptizari, prævenerit tamen; repente moritur, antequam Baptismum consequatur, atque sic ille dicitur baptizari in spiritu, & hoc Baptismo baptizatus fuit latro in Cruce. *can.* Baptismi vicem, *de Consecr. Dist. 4.* Alium deum *Sanguinis*, sive martyrii juxta *d. can.* Baptismi vicem. quando scilicet aliquis pro Nomine JESU CHRISTI & Fidei professione occiditur, is certè in sanguine suo baptizatur, in quo & Ipse CHRISTUS baptizatus fuit, pueri Innocentes ab Herode trucidati, de hoc Baptismo inquisivit CHRISTUS *Marci 10. V. 38. Potestis bibere calicem quem ego bibo, aut Baptismo, quo ego baptizor baptizari?*

Materia remota Sacramenti Baptismi est aqua elementaris, simplex, recens & munda, &

quæ consecrari potest oratione & Chrismate, ut intelligamus aquam non ex natura sua; verum ex Divina virtute ablueri sordes peccatorum. *Proxima* verò est ipsa ablutio exterior. *ita cc. DD.*

Forma idest verba: *Ego te baptizo in Nomine Patris, & Filii. & Spiritus Sancti.* expressa in illo CHRISTI mandato, post Resurrectionem suam dato Apostolis. *Matt. 28. V. 18. & sequ.* *Data est mihi omnis potestas in Cælo &c.*

Intentio potestatis baptizantis debet esse conformis Ecclesiæ, nempe quod ipse baptizans intendat facere quod facit Ecclesia, alias Baptismus collatus ex joco, non est validus, nec delet peccata, nec causat characterem. *can.* Solet etiam *1. de Consecr. Dist. 4.*

Extra casum necessitatis solus Sacerdos propriè loquendo baptizat & est Minister Baptismi. *can.* Constat. *de Consecr. Dist. 4.* novissimè Concil. Trident. *de Sacramentis in genere can. 10. Sess. 7.* quametsi Diaconus cum licentia Episcopi vel Presbyteri absentis baptizare potest

potest. *can.* Diaconos propriam. *Dist. 93. can. Diaconi. d. Dist. 93.* Laicus. *can.* In necessitate. *de Consecr. Dist. 4.* Mulier. *can.* Mulier. *cod.* Hæreticus. *can.* Sive hæreticus. Judæus. *can.* A quodam Judæo. Schismaticus. *can.* Quos à paganis. *ibid. cod. Dist.* Paganus & hujus generis, imminente & cogente necessitate. *can.* Sanctum est. *de Consecr. d. Distin. Conc. Triden. Sess. 7. can. 4.* & validè & licitè baptizare possunt, ita, ut qui baptisati fuerint ab his, hæreticis, Schismaticis, & aliis modoprimum connumeratis in Nomine Sacrosanctæ TRINITATIS, iterum; quasi non baptisati non baptisandî sint. *can.* Ab antiqua. *de Consecr. Dist. 4.*

Redeuntes ipsimet ad Sanctam Ecclesiam & finem ipsius Matris Ecclesiæ, revocantur aut Unctione Chrismatis. *can.* Ab antiqua. *de Consecr. Dist. Supr. cit.* aut impositione manûs. *can. cod. & can.* Hi qui Baptismum. *I. q. I.* aut sola Professione Fidei, quum sit interrogatio an ipsi credant? reconciliatio fit per manûs impositionem ab Episcopo factam, in

hæc verba loquente = *Accipe Spiritum Sanctum.*

Baptismi virtus & efficacia non tam ablutione corporis, quam fide cordis continetur. *can.* Verus Baptismus. *de Consecr. Sæpe cit. Dist. 4.* hinc aliud est *per Ministrum* baptizare, quod Sacerdos exequitur, aliud *per Potestatem*; quam Dominus, quò ad Se, potestatem nimirum quam habet Excel- lentia, Sacramentis non tam invicè atque indispensabiliter alligavit, quin ulli posset sine illis tribuere Gratiam. Fusius hoc ipsum perhibetur in *can.* Aliud est baptizare. *de Consecr. Dist. 4.* Ex quo meritò retunditur quorundam opinio, falsa, prava & impia, hallucinantium affirmando: neminem sine actuali Baptismo salvari posse.

Quemadmodum *Circumcisio* in populo DEI, in Fidei justitiæque *Signaculum* instituta, ad significationem purgationis originalis veterisque peccati, parvulis valebat, ita Baptismus ad hominis innovationem valere coepit. *jux. can.* Ex quo instituta. *de Consecr. Dist. 4.* Plena verò remissio peccatorum,

quod ad reatum mortis æternæ
& omnem poenam originalis
peccati; reapsè introducitur,
intelligentia & operatio Spiri-
tualium contingunt, cæteraquæ
dein sunt in spe, donec re com-
pleantur in resurrectionis tem-
pore. *d. jam can.* Ex quo. *de*
Consecr. Dist. 4. Ad accura-
tam magis intelligentiam præ-
missorum, diligenter est vi-
dendum Sacrosanctum & Oecū-
menicum Concilium Tridenti-
num in quinta Sessione ejusdem.
Decreto de peccato originali,
in fine, ubi sic concludit =
n. 5. Si quis per JESU CHRI-
STI Domini nostri Gratiam,
quæ in Baptismo confertur,
reatum originalis peccati re-
mittere negat, aut etiam asse-
rit, non tolli totum id, quod
veram & propriam peccati ra-
tionem habet; sed illud dicit
tantum radi aut non imputari,
anathema sit. --- hunc sen-
sum infra sic prosequitur -- *Ma-*
nere autem in baptisatis con-
cupiscentiam vel fomitem,
 hæc Sancta Synodus facit,
et sentit; quæ cum ad ago-
rem relicta sit, nocere non
sensuentibus, sed utiliter

per CHRISTI JESU Gratiam
repugnantibus non valet, qui-
nimo, qui legitime certaverit,
coronabitur. Hinc concupi-
scentiam, quam aliquando Apo-
stolus peccatum appellat, San-
cta Synodus declarat Ecclesiam
Catholicam nunquam intelle-
xisse peccatum appellari,
quod verè & propriè in rena-
tis peccatum sit, sed quia ex
peccato est, & od peccatum in-
clinat. Si quis autem contra-
rium senserit, anathema sit.

Tam parvulis quam adultis
est conferendus Baptismus, ne-
quæ parvuli, effecti adulti, in-
terrogandi: an ratum Bapti-
smum habere velint? prout
nonnulli falsò imaginati fue-
runt, quorum tamen opinio san-
ctè fuit condemnata per Con-
cilium Tridentinum *Sess. 7.*
can. 14. de Baptis. tum & in
can. Omnes. fideles. & can. Spi-
ritus Sanctus. sequ. de Consecr.
Dist. 5. Similiter prout etiam
Circumcisio tam adultis quam
parvulis conferebatur ex præce-
pto Domini contento in *c. Ma-*
jores. § Cum ergo Circumcisio.
de Bapt. & eius eff. Sed masculis
tantum. Fœminæ; licet non
circu. n.

circumciderentur, tamen: die
vicesima octava in Templum of-
ferebantur, eisq; nomē impone-
batur. Recte hinc colligitur, quod
Baptismus est *generalior* Circum-
cissione: siquidem ne modò tan-
tū adultis quā parvulis, verū
& tam masculis quā foeminis
datur. Parvuli quidem in Fide
Parentum & Ecclesiae baptisan-
tur. *d. c.* Majores. *de Bapt. c.*
ejus eff. can. Illud. *c. seq. §.*
Parvuli. *de Consecr. Dist. 4.*
can. Parvuli alio profitente.
item *can.* Parvuli fideles: *ubi*
supr. Concil. Triden. *Sess. 7.*
de Bapt. can. 7.

Baptismus ab Hæretico,
Schismatico, vel Pagano susce-
ptus quemadmodū paulò antè
retulimus licet si valeat, tamen
nemo se ipsum baptizare pote-
rit, etiam si instante necessitatis
articulo. per *c.* Debitum; *extr.*
hoc Tit. nam sicut in carnali
generatione; qua proles ex
Viro & foemina nascitur, alius
est qui carnaliter gignit, alius
qui gignitur, sic pariformiter
in Sacramentali generatione,
qua soboles ex aqua & Spiritu
Sancto renascitur, alius debet
esse qui spiritualiter generat,

alius qui generatur. *can.* Di-
dicimus. 24. q. 1. Appositè fit
exemplum de judæo quodam,
hic in mortis articulo consti-
tutus, cum inter judæos tan-
tū existeret, in aquam se
ipsum immerfit, dicendo: *Ego*
me baptizo in Nomine Patris
& Filii & Spiritus Sancti,
amen. Memoratus namquē ju-
dæus denuo ab alio erat bapti-
satus, ut pateat, alium esse
baptisatum & alium baptisan-
tem, licet is idem, si statim
decessisset, ad cœlestem Patriam
protinus evolasset, propter *Sa-*
cramenti fidem, et si non pro-
pter *Fidei Sacramentum*, ut
docet clarè contextus in *c.* De-
bitum. *hoc Tit.*

Baptisati iterum & sic bis; aut
baptisati sunt *scienter*; & tunc,
si pro vitio aliquo fecissent, *an-*
tiquo jure per septem annos pœ-
nitebant, quarta & 6ta feriis; &
tres Quadragesimas jejunabant,
quasi iterum crucifixerint *CHRIS-*
TUM, si pro munditia putassent,
tribus annis similiter pœnite-
bant. Aut *ignorant*; & tunc
nulla pœnitentia fuit imposita,
ordinari verò non poterant, dum
nisi magna aliqua necessitas co-
geret.

geret. *can. Qui bis. de Consecr. saepe d. Dist. 4.* At & hodie baptifans iterum, ficquē Baptifmum iterans *fcienter, imò.* excommunicatur: 2dò. ab omni Officio & Beneficio Ecclefiaftico deponitur. *c. fin. b. Tit.*

Postremò univerfim cavetur, ne conferatur Baptifmus in Aulis, vel cameris, aut aliis privatis domibus, fed duntaxat in Ecclefiis, in quibus funt ad hoc *Fontes* fpecialiter deputati, nifi talis neceffitas emerferit, propter quam nequeat ad Ecclefiam absq; periculo propter hoc accessus haberi. Regibus tamen & vafallorum Dñis, concessum est à CLEMENTE V. hujus Nominis Pontifice Maximo, ex Concilio *Viennensi Anno 1311.* celebrato; Privilegium, quo mediante, in Sacellis; Domus suæ liberos, nepotes & pronepotes, tum qui ex his descendunt, servatis Ecclesiae ritibus faciant baptifari. super quo videre est *cit. c. unic. Clementinar. Lib. 3. h. Tit.*

Judæus at verò baptifandus tenetur relinquere extorta per usuram, & licitè acquifita retinere potest. *can. Judæi. de Consecr. Dist. 8.* tamen differendus erit ei Baptifmus per

quadraginta dies, five per aliquot menses, quo temporis inter Catechumenos habeatur, ad hoc: quò argumentum rectæ intentionis suæ haberi possit.

Cæremoniæ atquē *folemnitates* SACRAMENTI Baptifmi quæ nihilominus omnes colliguntur sparfim in Corpore Juris Canonici: per totam *Distinctionem quartam. de Consecr.* brevitatibus causâ, hîc, fequentibus versibus concluduntur.

*Sal, Oleum, Charisma, Cereus,
Chrismate saliva*

*Flatus; virtutem Baptifmatis
ifta figurant.*

Hæc cum *Patris;* n n mutant,
fed tamen ornant.

In hoc Sacramento *extra casum* urgentis periculi adminiftrando, graviter peccat Minifter licetfi validè miniftret, qui, feclusa iusta neceffitate utitur aquâ non benedicta, quando uti potest aqua Sacrorum Fontium ab Ecclesia præfcripta, *Oratio est;* quia tenemur fervare confuetudinem & præceptum Ecclesiae quando commodè & citra periculum moriendi puerum sine Baptifmo, id possumus. *d. Clem. unic. de Bapt. O ejus eff.* deinde: quia conveniens est uti materia licita & valida in tali casu, non verò validâ tantum.

RESO-

RESOLUTIONES CASUUM.

1. **M**ATER pręgnans instante hora parturiendi, urgente mortis periculo, baptisari potest. *can. Baptisari. Dist. 4.*

2. Is quoque: qui nascitur ex ipsa, baptisatur, nec propter hoc dicitur Baptismus iteratus. *can. Si ad Matris corpus, de Consecr. Dist. 4.*

3. Qui verò sunt in materno utero, non possunt baptisari. *can. Qui in maternis. de Consecr. Dist. 4.* quia qui natus adhuc secundum Adam non est, secundum CHRISTUM renasci non potest, in eum, quem generatio non præcessit, sed bene ab utero evulsi.

4. Muti, surdi, ægrotantes, qui licet pro se respondere non possunt, aliis pro se; nec non illis ipsis per nutus & signa respondentibus, rectè baptisari poterunt. *can. Parvuli. & can. Mater Ecclesia. sequ. de Consecr. Dist. 4.*

5. Dormientes, amentes, baptisari possunt. *c. Majores. §. fin. Item quæritur. b. Tit. dummodò ante somnum & ante*

amentiam propositum habuerint baptisandi, alias secus.

6. Invitus baptisatus suscipit characterem, & cogitur ad observantiam Fidei, secus: si penitus coactus: Ait invitus non omnino coactus, (*puta*) cum quis terroribus atque suppliciis ad Undam salutarem trahitur. Secus item est in eo, qui nunquam consensit, sed penitus contradicit. *can. De Judæis. Dist. 45. c. Majores. §. fin. b. Tit.*

7. Is, de cujus baptismo ambigitur, ita: ut dubitetur de eo probabiliter, an sit baptisatus vel non? baptisari debet sub hac forma = *Si baptisatus es, non te baptiso, sed, si nondum baptisatus es ego te baptiso.* & cætera. *c. De quibusdubium. extr. b. Tit.*

8. Ad Baptismum conditionalem non est necessaria licentia Parochi, tum: in tali Baptismo solemnitates aut ritus non sunt iterandi, quia jam sunt facti in absoluto, pro quo instituti sunt ab Ecclesia. Quod si autem facti non fuerint; suppleantur. 9.

9. Perverſam intentionem Miniſtri in conferendo Baptiſmo quàm & aliis Sacramentis, ſuppleri à DEO quò ad Gratiam, aſſerunt multi & graves Doctores, contrarium tamen communius & probabilius. Alius ab hoc & longè diverſus caſus eſt, ſi puer moritur antequam compleatur forma tota in extenſum verborum, ut exempli cauſa, poſtquam dixit Sacerdos. *Ego te baptiſo in Nomine Patris*. Summus enim Sacerdos JESUS CHRISTUS ſupplet, & cenſetur baptiſatus, poteſt què in loco ſacro ſepeliri. *jux. S. Thomam in 4to Sent. Diſt. 3.*

10. Teſtis unicus, etiamſi mulier ſit, ſufficit ad probandum Baptiſmum *can. Parvulos. & can. Cum itaqné. de Conſecr. Diſt. 4.* At verò ſi teſtimonium ſit ab homine incerto, in re adeò gravi, ignoto teſtimonio deferre non poſſumus, quare tunc baptiſandus eſt infans ſub conditione, etiamſi ſchedulam de ſuſcepto Baptiſmo è collo ſuſpenſam ferat, uti pro expoſitis in Hoſpitali de Sancto Spiritu in Saxia, de Urbe, reſpondit *Sacra Congregatio Concilii, die 5. Januarii 1724.* cu-

jus meminit *ſcl. mem. Benedictus XIV.* in ſuo opere *de Synod. Dioces. lib. 7. cap. 6. §. 5.*

Opportunè advertendum hìc, quòd ſi agatur de baptiſatis ab hæreticis qui ad Fidem Romanam venire petunt, tunc inveſtigandum erit, num in Secta illa hæreticorum innovatum ſit aliquid vel non? circa materiam & formam Baptiſmi. Quod & ſi ex iſta inveſtigatione nihil certi reſultet, tunc, ac in dubio Baptiſmate agendum eſt. Iſthoc dubium rationabile cenſendum eſt in Baptiſmate hæreticorum Hollandiæ, apud quòs mos invaluerat, ut, alter aquam funderet, alter formam pronuntiaret. Quare & tunc, pariter, ut in re dubia, cum illis agendum eſt, uti & cum hæreticis Angliæ, quemadmodum ex Sylvio aliisque ſtatuitur apud altè fatum Pontificem *loc. cit. §. 8.*

Ex ſupra recentis colligitur = quòd Invocatio Sanctiſſimæ TRINITATIS in hoc Sacramento, eſt *de eſſentia*, tum & in ſequenti tantum, nempe *Conſirmationis* juxta multos, non item in aliis, quametſi adhibeatur, Novæ Legis Sacramentis.

§. 2dus.

§. 2dus

De Sacramento Confirmationis.

Ad Decreti III. partem de Consecr. Dist. V. Decretal.
 Gregor. Lib. I. Tit. XV. de Sacra Unct. c. unic. §. Per frontis.

QUONIAM SACRAMENTUM Confirmationis est quodammodò annexum Sacramento Baptismi & habet aliqua communia cum illo, eò quòd in multis ei conveniat. idcirco nonnullis de Baptismo cognitis & intellectis, ordine sequitur §. de Sacramento Confirmationis.

CONFIRMATIO est Sacramentum quo homo Viator baptizatus inungitur in fronte ab Episcopo, cum Chrismate & præscripta verborum forma, ad Fidei robur consequendum = In hac definitione verba præcedentia descriptiva hujus Sacramenti habent locum *generis*, namque plures *Unctiones* fiunt in Ecclesia cum Oleo Sacro. 1^{mo}. Unguntur *Pontifices*. dum consecrantur, in Capite & manibus cum Chrismate. 2^{do}. *Imperatores & Reges* cum Oleo catechumenorum in brachio & humero. *Regina* verò in humero tantum; nisi sint Dominae Regni. 3^{io}. *Sacerdotes*. eodem

B

Oleò catechumenorum in manibus dum ordinantur. 4^{to}. *Pueri baptizandi*. cum eodem Oleo in pectore & scapulis, & cum chrismate in vertice statim post Baptisma. 5^{to}. *Altaria & Ecclesia*. Oleò catechumenorum & chrismate. 6^{to}. *Infirmi*. Oleò infirmorum. 7^{mo}. Quod est materiæ præsentis, = *Confirmandi* Chrismate Sacro. 8^{vo}. *Calices & Patena* Sacro Chrismate. 9^{no}. *Campana*. Oleò infirmorum & Chrismate Sacro. 10^{mo}. *Agnus DEI*. eodem chrismate Sacro. c. unic. de Sacra unct. At verò *ly* = præscripta verborum forma = *ad Fidei robur*. &c. sunt pro differentia, quæ videri potest apud Scholasticos, adeòque patet qualiter nempe:

Materia remota hujus Sacramenti est *Chrisma*, non quodcunque, sed solemni benedictione ab Episcopo consecrato & non tantum electo consecratum, adeò: ut nisi talis sit Consecra-

seca-

secratio, non censeatur materia Sacramenti. *Chrisma* autem est Unguentum, ex oleo olivarum & balsamo confectum, requiritur *quod sit novum* illius anni, siquidem præcedentis anni comburi debet, dum novum consecratur. per *can.* Si quis de alio. *de Consecr. Dist. 4.*

Solet esse gravis controversia, an balsamum sit *necessarium*? ita: ut qui solo Oleo confirmaret, non verè confirmaret, an duntaxat necessitate *præcepti*. aded ut peccaret mortaliter, qui omitteret. An tamen sit necessarium *necessitate Sacramenti*? communis opinio tenet, quod sic: licet si aliqui non minoris notæ DD. oppositum censent, & videtur iis favere. *c. Pastoralis. de Sacra. non iteran.* ubi quidam confirmavit solo Oleo, absq; balsamo, & consultus super hoc dubio INNOCENTIUS III. dixit = *quod nihil iterandum erat, sed cautè suppleendum; quod incautè fuerat commissum.* Si non erat iterandum; ergo fuit ille verè confirmatus. Ast: quamvis opinio ista probabilis sit, tamen securior opposita, nam *Concilium Floren-*

tinum in Decreto EUGENII IV. expressè habet = *Secundum Sacramentum est Confirmatio, cuius materia est Chrisma, confectum ex oleo; quod nitorem significat conscientie, & balsamo quod odorem significat bonæ famæ, per Episcopum benedicto.*

Proxima hujus Sacramenti *materiæ* est Unctio, qua frons confirmandi in modum *Crucis* perungitur, absq; dubio necessaria necessitate Sacramenti, licet si Apostoli ex Divina dispensatione sola manuum impositione confirmarent. *can. Manis quoq; de Consecr. Dist. 5. d. c. unie. §. Per frontem. de Sacr. Unct.*

Forma Sacramenti Confirmationis est ista: = *Consigno te signo Crucis & confirmo Chrismate salutis, in Nomine Patris, & Filii & Spiritus Sancti, Amen.* ita *cc. DD. ex Florentino in instructione Armenorum*

Solus Episcopus est illius *Minister*, quod patet ex Actis Apostolorum *cap. 8. v. 14.* & *sequ.* ubi refertur Petrum & Joannem missos fuisse Samariam, ut, iis qui baptizati fuerunt, Ma-

aus imponerent, & traderent SPIRITUM SANCTUM. Quare autem Philippus non imposuit? nisi ideo: quod Episcopus non erat, sed tantum Diaconus. Tum ex Concil: Trid. *Se/s. 7. can. 3. de Confirm.* jam verò in Corpore Juris *can. Presbyteris. de Consecr. Dist. 4. & can. Presbyteri. ibid. mox sequ.*

Legitur tamen aliquando per *Apostolicæ Sedis Dispensationem* ex rationabili & urgente admodum causa, simplicem Sacerdotem Chrismate per Episcopum confecto administrasse Confirmationis Sacramentum. Unde in casu *extraordinario* non sufficit, si fiat à simplici Sacerdote *ex Commissione Episcopi*, bene verò *ex Commissione Papæ*, prout sic fecerat S. GREGORIUS Magnus scribens Januario *Episcopo Carapolitano*, perhibente hac de re testimonium *can. Pervenit. Dist. 95.* Concesserant item: NICOLAUS IV. URBANUS V. LEO X. similiter concessit pro Indis GREGORIUS XIII. referente *Pallavicino Lib. 9. Hist. Trid. cap. 7.* Quis verò tot Pontifices terminos à Patribus suis

positos, transiisse putet?

Subiectum est omnis & solus homo baptisatus; five sit infans, five adultus, Baptismus quidem dedit nobis SPIRITUM SANCTUM ad purificationem peccatorum, & maximè *originalis*: ut immediate fuit dictum. Confirmatio verò dat SPIRITUM SANCTUM ad custodiam, tutelam, defensionem, robur, & Gratia Divinae augmentum, ut illius præsidio carni, mundo, diabolo, fortiter obluſtari possimus. *can. Omnes fideles. de Consecr. Dist. 5. can. SPIRITUS S. sequ. ibid.* Adeoq; infantes constat per *duodecim* sæcula in utraq; Ecclesia Confirmationem recepisse mox cum Baptismo, quando aderat Episcopus. *can. Novissimè. de Consecr. Dist. 5.* Constat item plebsque energumenos hujus susceptione Sacramenti curatos fuisse, quod etiam de puero lunatico refert S. Bernardus in vita S. Malachia. tum: quia apud Græcos hodie-dum datur infantibus Confirmatio, idque sciente & olim approbante Sede Apostolica.

Episcopus, *regulariter*, eos tantum, qui suæ Diocesis sunt,

sunt, confirmare: non alios, habet Juris, quamvis si confirmet, factum tenet. Unde nec *Archiepiscopus* debet suorum *Suffraganeorum* subditos; quamvis eos visitet, confirmare. *can. Interdicimus. 16. q. 1. arg. c. Omnis utriusque sexus, de Pœnit. & Remiss. & tot. Tit. de Temp. Ordinatio. item; Tit. de Paroch. & alien. Parochian.*

Infantes; per Patrimonos in Confirmatione tenentur in brachio dextro, adulti ponunt pedem suum super pedem dextrum Patrini sui. In quo viget adhuc consuetudo Sanctæ Matris Romanæ Ecclesiæ & Ecclesiasticarum Institutionum, harum enim quasdam in scriptis, quasdam verò *Apostolica traditione* (inquit Basilus lib. de SPIRITU SANCTO. cap. 27.) per Successiones in Ministerio confirmatas accepimus, quasdam sola consuetudine roboratas approbavit usus. Atque deinde: in his rebus nihil certi Divina statuit Scriptura, mos populi DEI & instituta Majorum, pro lege tenenda sunt; nam sicut prævaricatores Di-

vinarum Legum; ita contemptores Ecclesiasticarum consuetudinum cōdēndi sunt, prout fusiùs legere est in *can. Ecclesiasticarum. & per tot. Dist. 11.*

Et si priscis temporibus infantes confirmarentur, hodie hoc Sacramentum *regulariter* non expedit conferri, priusquam rationis usus elucescere incipiat, hoc est circa *septennium*, non solum ob periculum *reiterationis*, sed multò magis ut orationibus & mentis devotione possint confirmandi excitari ad Sacramenti venerationem.

Baptismus & Confirmatio conveniunt in hoc: quod nimirum non iterantur. *can. Dictum est. de Consecr. Dist. 5. can. Rebaptizare. de Consecr. Dist. 4.* Ambo characterem imprimunt animæ indelebile n. = tum, quod ambo conferuntur sive conferri possunt tempore Interdicti, etiam si impositi à Papa in aliquo loco. *c. Responsò. de Sent. Excom. c. Quoniam in Baptismo. cod. Tit. in 6.º.* Plura declarant sequentes. =

RESO-

RESOLUTIONES CASUUM.

1. **T**empore pestis, eo morbo affectis, non tenetur Episcopus hoc Sacramentum ministrare, quum hoc Sacramentum non sit absolutæ necessitatis. *fel. mem. BENEDICTUS XIV. de Synod. Diœc. lib. 13. cap. 19. §. 6. nov. edit.*

2. In Confirmatione tempore pestis non potest fieri inunctio frontis mediante penicillo, nec sanè valeret, sic collata; quum ex consensu fere omnium Theologorum ad valorem requiratur aliqua manuum impositio, quæ, certè non fieret, cum alio mediò quàm pollice, vel manu, frons confirmandi oleò liniretur. *Idem. ibid. §. 77.*

3. Non peccaret mortaliter Episcopus si omitteret dare alampam in Confirmatione, hæc enim datur solùm ob memoriam suscipienti; ne iteret hoc Sacramentum. *Clericat. cap. 116. n. 25. O cc. DD.*

4. Non incuritur *Irregularitas* per reiterationem Confirmationis, siquidem jus quod ad hanc pœnam infligendam expressè loquitur solùm de reiteratione Baptismi. Jam verò in 1. Is qui in Ecclesia. *de Sent.*

Excom. in 6to. cautum est, ut nemo ob aliquod crimen censendus esset irregularis, nisi hoc in Jure expressum sit.

5. Suscipiens, & Episcopus conferens hoc Sacramentum, etsi debeant esse jejuni. *can. Ut jejuni. d. Consecr. D. 1. §.* Si tamen necessitas subfit propter Episcopum, ut exempli causâ propter multitudinem confirmandorum; tum: si confirmandus sit infirmus & morte periclitans, sive aliâ causa impeditus, tunc non suberit ratio jejunii.

6. Sicut in Baptismo pro baptizandis solemniter; sic in Confirmatione & Catechismo pro confirmandis & catechizandis interveniunt Patrini, apud DEUM quasi fidejussores extituri, & eosdem in Religione hac vera orthodoxa instructuri. *can. In Catechismo. de Consecr. Dist. 4. can. Vos ante omnia. de Consecr. Dist. ead. & quidem antiquo jure non poterant adhiberi plures, sed unus tantum, sive vir, sive mulier. per can. Non plures. de Consecr. ead. Dist. Ex sanctione verò Sacrosancti Concilii Triden-*

Tridentini *Sess. 24. de Refor. cap. 2.* Ad summum unus & una. *c. Quoniam.* de Cogn. Spirit. in 6to.

7. Nullatenus possunt esse Patrini. Parentes propriorum Filiorum. *c. Si vir. de Cognat. Spirit.* Sicut Abbates ac Monachi alienos, de *Sacro Baptismate* fuscipere; sic & in *Confirmatione* tenere non debent. *can. Non licet. de Consecr. Dist. 4. can. Placuit. 16. qu. 1. can. Pervenit. 18. qu. 2.* ad hoc = ut Monachi sibi Compadres Commatresvé non faciant: *can. Monachi. de Consecr. Dist. 4.*

8. Tam Minister quàm fuscipiens; quod intelligendum venit de adulto, debent esse *sine peccato mortali*, vel saltem *cum Contritione*, Ille; quia est Minister; & competit ei *ex Officio*, iste; quia opponeret obicem Gratiae. *can. SPIRITUS SANCTUS. de Consecr. Dist. 5. D. Thom. 3. par. qu. 64. art. 6. ad 3. argum.* Patrinus porro non tenetur ad hoc, verùm tamen si malè sit dispositus, facit *irreverenter*, qui ipse supponitur esse omnino non modò baptizatus sed & confirmatus,

per *can. In Baptismate vel in Chrismate. Dist. 4.*

9. Quamvis INNOCENTIUS III. *c. Cum venisset. de Sacra Unctione.* expressè hoc habet. = *Per frontis chrismationem manûs impositio designatur, quæ aliò nomine dicitur Confirmatio: quia per eam SPIRITUS SANCTUS ad augmentum datur Ordo.* Adhuc tamen nequit certò definiri, an de Fide sit? utramquè Manuum impositionem, five quæ *Unctioni* prævia est, five quæ ipsi conjuncta est, ad *essentiam* Confirmationis pertinere. Cum enim de hoc *Ecclesia* filet, *Fides* quoquè ipsa filere debet, utraqùè quidem est in usu *Pontificalis Romani*, utraqùè ritè observanda est, quod postulat Religio, securitas, & Sacramenti reverentia, sed an utraq; hæc *impositio Manuum* Episcopi sit *essentialis*? nihil concluditur. Nisi qui velit, menti antiquorum esse conformis, illam Manûs impositionem quæ initio Ritûs ab Episcopo fit, & tempore distincto ab unctione, ad *substantiam* Confirmationis pertinere; arbitrari.

§. 3tius.

§. 3^{tius}

De Sacramento Sanctissimo Eucharistiæ.

Ad Decreti III. partem. *de Consecr. Dist. 11.* Decretal. Greg.
Lib. III. Tit. XL. Clementinar. *Lib. III. Tit. XIV.* Extrav.
 Commun. *Lib. III. Tit. XI. c. unic.* in Septimo. *Tit. VIII.*

Nihil in Sacrificiis majus
 esse potest: quàm CORPUS
 & SANGUIS CHRISTI, nec ulla
 Oblatio hac potior est, sed, om-
 nes; una hæc præcellit, quæ
 purâ conscientia Domino est
 offerenda, & pura mente su-
 menda, atque ab hominibus
 veneranda, & sicut prior cæter-
 is, ita potius excoli & venerari
 debet. *can.* Nihil in sacrificiis.
de Consecr. Dist. 2.

Definitur quod sit: *Sacra-
 mentum* CORPORIS & SANGUI-
 NIS JESU CHRISTI, *quæ post
 Consecrationem veraciter sub
 speciebus Panis & Vini con-
 sistentur, ad spirituales fide-
 lium alimoniam.* *can.* Multi
 sæcularium. *1. q. 1. can.* Sa-
 crificium. *can.* Nos autem. tum
 & mox sequenti. *can.* Ego Be-
 rengarius. qui quidem *Canon*
 continet *Formulam Professio-
 nis Fidei* sic incipientem à ro-
 mine ejusdem *Berengarii*, qui
 antequam in hæresim prolapsus

esset, fuit Ecclesiæ Andega-
 venfis Archidiaconus, ejurata
 dein hæresi atque pœnitentiâ;
 quievit in pace *Annò MLXXXVIII.*
item. can. Fortè dicas. *can.*
 Panis est. & *can.* In illo Sacra-
 mento. *de Consecr. Dist. 2.*

In Sacramento Eucharistiæ
 teorivè ac sub qualibet specie
 tam Panis quàm Vini: *quatuor*
 ista, realiter, physicè, continen-
 tur. *1mò.* CARO CHRISTI, vera
 & viva. *can.* Non hoc Corpus.
de Consecr. d. Dist. 2da. Se-
 cundò. SANGUIS CHRISTI, qui in
 Ara Crucis de Corpore Ejus pre-
 fluxit. Tertiò. Anima CHRI-
 STI, in qua omnes thesauri
 Sapientiæ & Scientiæ DEI sunt
 absconditi. Quartò. Divinitas
 CHRISTI, quæ ita CHRISTO
 fuit unita, ut nequè in Sepul-
 chro ab Eo fuisset sejuncta. *can.*
 Semel Christus. *can.* Accesser-
 runt. *de Consecr. Dist. 2. can.*
 Ante benedictionem. *ibid.*
Primò.

Primò. hìc notatu dignum, quòd quamvis in hoc Sacramento *duplex* Materia *partialis* sit, sic quoquè duplex *Forma* appareat, unicum tamen specie censerì debet & est Sacramentum, tum ob unitatem *effectus*, una enim sub utrisquè speciebus Gratia communicatur. *can.* Qui manducant & bibunt. *de Consecr. d. Dist. 2.* tum deniquè ob unitatem *finis*, unionem enim Ecclesiæ in CHRISTO per unitatem significat. *ca.* Quia passus. *can.* Hoc Sacramentum. *de Consecr. sæpe d. Dist. 2.*

Geminæ proinde species quæ *necessario* oculis apparent in hoc Sacramento; non faciunt substantiæ divisionem, CHRISTUS enim sub alterutra tantùm specie post Consecrationem cum CARNE & SANGUINE totus atq; integer à Fidelibus sumitur.

Materia remota duplex in hoc Sacramento ante Consecrationem & prout *in fieri* spectata, *una est* Panis de tritico, cum aqua elemento naturali recenti & munda confectus, coctus & non frixus, azymus in Ecclesia Latina, fer-

mentatus in Græca, *alia est* Vinum de vite cum modica aqua mixtum, ad denotandum dictam unionem populi cum CHRISTO, adedquè omnes Catholici in hoc conveniunt, aquam admiscendam esse vino in Consecratione, & hoc ex Apostolica Traditione ad imitationem CHRISTI, Quem id ipsum fecisse testantur Sancti: *Jacobus & Marcus* in suis Liturgiis. Horum substantia deinde mox post Consecrationem Sacerdotis, virtute Divinorum verborum, secreta potestate & infallibili operatione in substantiam transit CARNIS & SANGUINIS CHRISTI. *c. Firmiter. §. una verò. de Summa Trinit. O Fide Cathol.*

Ex hoc colligere licet, quòd Sacramentum Eucharistiæ non quidem *formaliter* & in specie, *materialiter* verò sive quodammodò *representative*, est, plura Sacramenta. Sicquè aliquando plura illud vocat Ecclesia, ut facit in Oratione post Missam = *Purificent nos quæsumus Domine Sacramenta quæ sumpsimus.* &c. at statim subjungitur in
fin-

singulari = *ut hoc Tuum Sacramentum non sit nobis reatus ad penam.* Sic etiam *Ge- lasius Papa in can.* Comperi-
mus. *de Consecr. Dist. 2.* in plurali ait = *integra Sacra-
menta percipiant.* propter spe-
cies *Panis & vini* pro Sacer-
dotibus in Sacrificio. rursus in
singulari in eodem *Canone* hæc
habet = *unius ejusdemque My-
sterii.* propter unitatem nimi-
rum *formalem & specificam*
significationis *præctica*, tota-
lem & integram, quam habent
dictæ species.

Non obstat proinde unitati
in sua specie hujus Sacramenti,
quod veteres vario respectu &
diversa consideratione, Eucha-
ristiam, modò unum; modò
plura, compellâssent Sacramen-
ta. Plura namquæ Sacramenta
dici potest, *materialiter*, pro-
pter varia symbola & signa ex
quibus constat. Signum quippe
præcticum Gratiae & Sanctitatis
est quodlibet & omne novæ Le-
gis Sacramentum à JESU CHRI-
STO Domino, *ostre* ad hoc *spe-
cialiter* institutum, ut illam si-
gnificando causet; vicissim cau-
sando significet.

Proxima dein illius ma-
teria sunt species Panis & vini,
sub quibus continetur CORPUS
& SANGUIS CHRISTI Domini.
cit. jam can. Quia passus. *de
Consecr. Dist. 2.*

FORMA similiter duplex
est. *una Panis*, quæ est hæc =
HOC EST CORPUS MEUM. nam
hæc particula *enim* essentialis
non est, verum conjunctionis
habet locum, & ab Ecclesia fuit
addita, *solus S. Matthæus* eam
adhibet, idquæ in Consecratione
Calicis tantum. *Matth. 26. v. 26.*
apud Marcum *cap. 14. v. 22.* Lu-
cam. *22. v. 19.* *Alia est vini*
cum modica aqua in Calice, &
est hæc = HIC EST CALIX
SANGUINIS MEI. de necessitate
Sacramenti. c. Cum Marthæ
de Celebrat. Missæ. & Sa-
cramen. *Eucharist.* quando qui-
dem: cætera omnia, sive quæ
præcedunt apud Latinos, sive
quæ sequuntur apud Græcos,
qui, omittunt illa verba. *et-
erni* -- et *mysterium Fidei*.
sunt de necessitate præcepti sal-
tim ex communiori sententia.

MINISTER hujus Sacra-
menti conficiendi est sacerdos,
aut presbyter, aut diaconus.

natus, non existens in peccato mortali, & cui non est prohibitum celebrare. *can.* Tribus gradibus. *de Consecr. Dist. 2. can.* Pervenit. *ibid. Dist. ead.* Ita ut etiam dispensationis sive administrationis hujus Sacramenti; Minister Ordinarius sit Presbyter. *can.* Pervenit. *Dist. 93.* eo, quod à Diacono, presente Presbytero; alius administrari non permittitur, nisi jubente; vel saltem sciente, neque hoc fieri debet nisi in necessitate. Aliis vero inferioribus Diacono omnimodò prohibetur. *per can. Presente. Dist. 93.* Contra ipsos Hæreticos, nugantes & arrogant, omnes Christianos in ministrandis Sacramentis; pacem habere potestatem, quos iusto anathemate ferit Concilium Tridentinum *Sess. 7. can. 10. de Sacram. in gen.*

Sacerdotes tamen peccato mortali vel minori Excommunicatione sædati & contaminati; à tanto Sacramento & ejus Oblatione se abstinere debent, quia quò ad se ipsos sunt suspensi. *c. fin. Cibi not. de Cereb. Cleric. & mulier.*

Susceptor sive subiectum

Eucharistiæ, est, omnis homo baptizatus ac dispositus, præsertim in Paschate quotannis ex præcepto Ecclesiæ, ex præcepto autem Divino aliquoties in vita. de quo *Joan. 6. v. 25. Act. 2. v. 42.*

Tripliciter isthoc à summentibus suscipitur. Primò. *Sacramentaliter* tantum, sicut sumunt peccatores. altero modo *spiritualiter* tantum, sicut illi qui votum & desiderium habent illius, & participant de fructu, scilicet Gratia. Tercio *utroque modo.* Sumitur ab illis, qui dignè accedunt ad illud. *can.* Quid est de Consecr. *Dist. 2. c. m.* Ut quid paras? *ibid. ead. Dist.* Concilium Tridentinum *Sess. 13. cap. 8. & mox infra can. 8.*

Directè ex hoc sequitur, & manifestè patet, qualiter: Eucharistiam indignè sumens recipit Sacramentum; sed non ejus effectum. *can.* Qui discordat. *de Consecr. Dist. 2.* quamvis in hoc Canone locò ejus effectus, istius vivifici & admirabilis Sacramenti, *absolute* dicitur. *— nec manducat CARNEM EJUS, nec SANGUINEM bibit.*

Sed

Sed aliquomodo discordat iste locus, siquidem ibi *in can. 12.* dicitur Judas dicitur: *quod is, licet si indignè sumperit Eucharistiam, sumpt adhuc CORPUS CHRIS. FI.*

Diversimodè porro apud Fideles circa illius susceptionem frequentatum fuit, namquè: circa prima Fidei cunabula *Viaticum* & sic Eucharistiæ Sacramentum frequentissime sumebant Fideles. *ca. 1. Quotidie. de Consecr. Dist. 2. can. 1.* Si quotiescunque. *sequ. ibid.* Postmodum charitate pefcente rarius sumebant etiam Viaticum fideles, idquè tribus vicibus in anno communicabant, *in Pascha videlicet O Pentecoste, O Natali Domini. can. 1.* Et non frequentius. *de Consecr. Dist. 2. can. 1.* Sæculares. *can. 1.* Omnis homo. *de Consecr. Dist. 2. can. 1.* Tandem: sic, ut hodie, frigescente penitus Religionis ar-

ore, (*) semel saltem singulis annis tantis Fidelis cujus-
cunque sexus sumere hujusmodi *Augustissimum Sacramentum* tanquam Escam spiritua-
lem, & convivium animæ in Paschate sit adstrictus. *c. 1.* Omnis utriusque sexus. *de Penit. O. Ken. ss.* quod ipsum compro-
bavit Concilium Tridentinum. *Sess. 13. de Sacram. Eucha-rist. ibid. can. 9.*

Ast: ne modò apud Theologos Eucharistia diversimodè spectatur ut *Sacrificium* & aliter ut *Sacramentum*, verum apud *Canonistas* utroque nomine venit, & aliquando Sacrificium vocatur, prout in allegato. *can. 1.* Nihil in Sacrificiis. *de Consecr. Dist. 2. can. 1.* Qui bene non custodit Sacrificium. &c. *Dist. ead.* Prout de Sacrificio: siquidem patica hinc exposita sunt, supplebunt hac in materia plures & diversæ.

* S. Bonaventura in 4to Dist. 12. habet = in statu Ecclesiæ finalis, apud quem tamen Ecclesiæ finalis non dicitur talis, cò: quod hæc senesceret, si adhuc tenescit, quod enim senescit & præterit interitum est. Juxta Apostolum ad Hebræos 8. vers. ult. Sed quia in ea longè minus reperire sit terveris, quam fuit in primitiva Ecclesiæ.

RESOLUTIONES CASUUM.

1. **G**Raviter peccat Sacerdos *Latinus* non conficiens in pane *azymo*, facit enim contra consuetudinem & præceptum Ecclesiæ *in re gravi*, ut colligitur ex *c. Literas. de Celeb. Missar. & Sacram. Eucharist.* Illi verò Græcorum pariter errant, qui usum Ecclesiæ Latine consecrandi in azymis carpunt & reprehendunt, quorum sententiam LEO IX. *Papa* appellat hæreticam.

2. Conficiens sub una tantum specie committit grave peccatum Sacrilegii, ut habetur in *can. Comperimus. de Consecr. Dist. 2.*

3. Sacerdos *secus* validè consecrat, Hostiam, quam coram se præstò habet, quamvis illam non videat, sed ei non est licitum consecrare, nisi à *Papa* Dispensationem habeat. *Ratio* resolutionis præsentis est, haud enim necesse ut materia actû videatur, verùm sufficit, ut sit præsens *moraliter* ad hoc, ut designetur per particulam, Hoc. ita *cc. DD.*

4. Non validè conficit Sacramentum Eucharistiæ Sacer-

dos qui omisso verbo *= est =* dicat *= ECCE CORPUS MEUM.* namquè sublato verbò variatur significatio propositionis. Ista ergo pronomina: *Hoc & Hic.* in Consecratione, non demonstrant CORPUS & SANGUINEM CHRISTI *distinctè*, sed *confuse* substantiam singularem sub speciebus contentam, eò: quod verba formæ debeant significare id quod efficiunt, efficiunt autem, non, ut CORPUS CHRISTI sit CORPUS CHRISTI, sed ut CORPUS CHRISTI quod antea erat substantia panis, sit CORPUS CHRISTI. *can. Panis & Calix. de Consecr. Dist. 2.*

5. Similiter non consecraret *validè*, qui diceret *Hoc est CORPUS CHRISTI*, siquidem verba *Consecrationis* debeant summi *recitatione & significantè* simul, unde *recitatio* solum loquendo; falsum diceret. quia CHRISTUS non est usus hanc formam. *Tam:* quia variatur sensus verborum; cum hæc verba non proferantur in Persona CHRISTI, sicut proferenda sunt. ita *S. Thomas, in 4. Dist. 8. qu. 2. art. 1.*

6. Sacerdotes quoties extra Missam communicarent, tenentur ex præscripto *Concilii Bracaren/s III. cap. 3.* induere stolam in modum Crucis, ad pectus, sub poena Excommunicationis. *can. Ecclesiastica. Dist. 23.* Sed quamvis prædicta *Constitutio* videatur obligare sub mortali, cum transgressor illius puniri præcipitur poenâ Excommunicationis, ad quam incurrendam requiritur utique peccatum mortale, nihilominus hodie sub onere *Excommunicationis* non obligat, quia non videtur sic esse usû recepta, ac cum tanto onere, modò absit contemptus.

7. Sacerdos qui in celebratione mæ Missæ in *Die Natalis Domini* sumpsit ablutionem, aut lambendo digitos, aliquid aquæ aut vini transmisit in stomachum; non potest illa die aliam Missam celebrare, quum verè dicatur jejunium naturale perfregisse, de quo expressè, cavetur in *can.* Nihil contra. 7. q. 1. in verbis ibi — *Nullus post cibum potumque quemlibet minimum sumptum, Missas facere -- præsumat.*

8. Sacerdos qui in Vigilia

Nativitatis Domini pransus est, vel jentaculum sumpsit propè mediam noctem, potest post mediam noctem celebrare, quamvis non dormierit, & cibum non digesserit, namquè, & sic verè dicitur *jejunus* à media nocte.

9. Non jejunus potest in articulo mortis communicare, quamvis extet Præceptum Ecclesiæ, communicandi cum jejunio.

10. INNOCENTIUS XI. *Die 2. Martii Anno 1679.* damnavit hanc Propositionem — *Præcepto Communionis annuæ satisfi, per Sacrilegam Domini manducationem.*

11. *Materia inepta.* adedq; validè consecrari *impotens* Calicis in Sacramento Eucharistiæ est, *Vinctum* five *aquaticum*, in quo scilicet major five maxima est pars aquæ, superinfusa. *c. Perniciosus. de Celebrat. Missar. & Sacram. Eucharist.* quamvis ordinariè tale vinum inter vina *operaria* numeretur, dicitur enim *lota*, quasi *lota*, quia est aqua, cum aqua vinacæ ablato musto lotæ.

12. Secundùm communem *Theologorum & Casuistarum* sen-

tur, non majorem extendunt reverentiam, ac, si, de profano aliquo negotio loquerentur, ex alio item capite, non pauci Sacerdotes deficiunt, dum Consecrationis verba elata fere voce exprimiunt, contra Ritus Ecclesiæ.

15. Calix, Patena, & alia ornamenta quæ immediatè attingunt CORPUS CHRISTI, ut est Pala & Corporalia, non possunt tangi à laicis, absq̃ peccato. *can. Sacratas. D. II. 2.* Imò nequē Clerici solent hujusmodi vasa tangere, nisi speciale ad hoc Privilegium habeant. Ex eoquē colligi etiam potest, jure optimo in *can.* Nemo per ignorantiam. *de Consecr. Dist. 1.* Sancitum esse, ut Corporalia laventur à Diacono, & lotio mittatur in Piscinam Sacram, ne fortè (ut ibi dicitur in textu.) *pulvis Domini Corporis malè decidat*, hoc tamen intelligitur quò ad primam lotionem, nam quò ad secundam: probabile est, eam, fieri posse etiam à sceminis præsertim virginibus, sicut etiam à sceminis resciri possunt.

16. Ob extraordinariam ne-

cessitatem multi DD. existimant Sacerdotem posse bis in die celebrare. *c. Consulvisti. de Celebrat. Missar. O Sacram. Eucharist.* modò sit jejunus, nec purificaverit in prima Missa. *c. Ex parte. tit. Tit. de Celebr. Missar.*

17. Quametsi particulares moneant Rubricæ, ut ante *Offertorium* aperiatur pixis, in qua sunt formulæ consecrandæ, verum apertio isthæc non est necessaria necessitate Sacramenti, imò vix forsitan Præcepti.

18. In casu miraculi: quo appareat in Eucharistia puer, vel aliud simile, & dum adhuc permanerent species Sacramentales, veluti: si Panis substantia esset, & quando mutatio hæc esset tantum in concomitantium oculis & solo colore; permanet ibi CORPUS CHRISTI; quando verò appareret in forma pueri, seu carnis, & ab omnibus sic videretur, nec species visu vel tactu sive alio sensu percipiantur, probabilius videtur, non esse ibi CORPUS CHRISTI, id tamen quod sic apparet; non esse consumendum à cele-

celebrante, sed reservandum, nec opus est: ut alia consecratur Hostia ad communicandum.

19. Qui in eadem Missa, *successive* recipit plures Hostias, non recipit majorem Gratiam *ex opere operato*, quàm si unam tantum reciperet, nec qui recipit simul Hostiam & de Calice bibit, quàm qui solam Hostiam, nisi fortè per accidens, *ex opere operantis*, eò, quòd si suscipiens, plures hactenus eliciat Actus Virtutum *Theologicarum*, disponentes ad majorem Gratiam, quando tunc Hostiam diutius retinet in ore, sive: in continuanda sumptione.

20. Non licet dare Hostiam non consecratam pro consecrata, nisi ob vitandum grave scandalum, cum peccatoris consensu, & maximè: quatenus sine idololatriæ periculo.

21. Major discretio ætatis requiritur ad communicandum quàm confitendum; quæ spectat ad prudentiam Parochi præsertim, sive alterius Confessarii.

22. Si Sacerdos æger decumbat, & illi afferat *Diaconus* Eucharistiam, ob Sacerdotis

defectum; debeat Sacerdos illam propriis manibus de Patena reverenter sumere.

23. Qui futurum esse certò atque prudenter prævidet, ut non possit in *Paschate* communicare, non tenetur prævenire Communionem ex vi Præcepti *Ecclesiastici*, in articulo verò mortis tenetur; ex vi Præcepti *Divini*.

24. Ministrans Hostiam, non consecratam locò Consecratæ, ad vitandum Sacrilegium suscipientis, immane *Sacrilegium* committit, quia exponit creaturam adorandam pro Creatore, unde potius excusanda prudenter administratio Communionis, eam, sic petenti.

25. Insano atq; phrenesijam correpto, qui antè insaniam desiderium significavit accipiendi Eucharistiam, poterit ex administrari, quòd si non timeatur irreverentia vel dilaceratio, ad quod experendum, potest dari Hostia non consecrata ante ipsammet Communionem.

26. Cùm grave damnum timeatur, poterit Judex Reo negare tempus ad recipiendam

Eucha-

Eucharistiam, & statim post
factam peccatorum suorum Con-
fessionem: sententiam exequi.

27. Si reus Sacerdotem qui
abscōsam Eucharistiam desert,
pro defensione sui amplexaretur,
liber à supplicio maneret,
& Ecclesiæ esset tradendus.

28. *Sanctissimæ Eucharistiæ Sacramentum*; ad infirmum: de quo
notum sit, quod ob tussim, sive
aliū defectum non valeat illud
sumere, non erit deferendum *ex
causa hac sola*; ut illud devotus
adoret, nec etiam est deferendum
sub specie Vini, quando infirmus
non possit deglutire sub
specie Panis, concordant in hoc
omnes fere, *Classici Authores*.

29. *Uva vinacea* sive botrus
vini, non potest consecrari,
nam uva potius comedi con-
suevit: quàm potari & bibi,
pro materia autem istius Sa-
cramenti à CHRISTO Domi-
no instituta fuit res potabilis,
nempe Vinum de vite pres-
sum: quod patet ex *can.* Di-
dicimus. *de Consecr. Dist. 2.* tum
à simili de malsa farinæ, quæ,
utiquè non est apta & sufficiens
materia ad Consecrationem COR-

PORIS, eò, quod non sit *materia
usualis*, tum & ex illis ver-
bis CHRISTI = *Bibite ex hoc
omnes. Matt. 26. V. 27.* = &
illis *Lucæ 22. V. 17. Et accepto
Calice gratias egit: & dixit = Ac-
cipite & dividite inter vos.*

30. Qui ex decem Hostiis
præsentibus vult solum conse-
crare novem, non designando
quam excludere intendit, nul-
lam consecrat. Similiter nihil
consecrat, qui mediam solum
tertiamvè Hostiæ partem con-
secrare vult, non determinando
quam consecrare velit, & quam
nolit.

31. Corporale ad Missam ce-
lebrandam *graviter* necessarium
est, illudquè lineum esse de-
bet, ex præscripto *Canonis* =
*Consultò omnium. de Consecr.
Dist. 1.*

32. Particulæ quæ ad Altare
offeruntur pro Communionem lai-
corum, debent in Altari adesse
ad primum Offertorium, viden-
tur enim ad idem Sacrificium
pertinere ad quod pertinet Ho-
stia grandior, sicut autem Ho-
stia grandior, debeat esse ante
primum Offertorium, ita etiam
adesse debent particulæ, sive
for-

formulæ pro Communione laicorum. Ita præscribit Rubrica CLEMENTIS VIII. de defectibus Celebrationi occurrentibus. cap. 3. n. 4. contra nonnullos, quos refert *Possivimus cap. 2. n. 27. & sequ.*

33. Imò etiam non erit valida *Consecratio* si Sacerdos intendat eas hostias, aut illam, Hostiæ partem consecrare *quam DEUS intendit*, namquæ sic Sacerdos non dicitur habere intentionem & materiam humanò modo determinatam, nec potest distinguere materiam consecratam, ab ea, quæ non est consecrata.

Pro fine: *advertendum hic* = duplicem Oblationem in Missa contingere. *Prima* contingit quæ est præparatoria ad sequentem, quando nimirum offertur Panis, ut fiat CORPUS CHRISTI, quæ est mera ad Sacrificium præparatio. *Secunda*, quando post Consecrationem & facta Elevatione offertur Ipsum CORPUS CHRISTI, dum Sacerdos prosequitur per hæc verba. = *Unde & memores &c.* Ipsam quoque Consecrationem dupliciter posse considerari. Imò, qua-

tenus per eam fit præsens CORPUS & SANGUIS CHRISTI sub Speciebus, in qua ratione *præcisè* sola non consistit Sacrificii essentia, sed Sacramenti. add. potest considerari quatenus per Consecrationem repræsentatur Passio & mors CHRISTI DOMINI, per Panis scilicet Consecrationem CORPUS, & per Vini Consecrationem SANGUIS, separatim à CORPORE mysticè repræsentatur, per quod tamen: quotidianum Sacrificium non re-iteratio est Passionis CHRISTI, sed Commemoratio, sicut Ipse præcepit = *Hoc facite in meam commemorationem. Luca 22. v. 19.* tum quia: infirmitate peccati adhuc in carne remanente; quotidie labimur, quotidie CHRISTUS pro nobis mysticè immolatur: referente sic *can.* Iteratur quotidie. *de Consecr. Dist. 2. per totum.* ideoquæ *spiritualiter* magis quam *corporaliter* CORPUS CHRISTI debeamus accipere. *can.* Panem cœlestē. *de Consecr. d. Dist. 2.*

Discussio tam Baptismi, quam Confirmationis & Eucharistiæ negotiò, restat modò ut verba ulteriora dirigantur ad Sacramentum *Penitentia.*

§. 4tus

De Sacramento Pœnitentiæ.

Ad II. partem; Caus. XIV. qu. V. & sequ. ejusdem partis XXVI. qu. VII. de Pœnit. Dist. I. II. III. IV. V. VI. VII. Caus. XXXIII. qu. V. Canones Pœnitentiales in fine Decreti, Decretal. Greg. Lib. V. Tit. XXXVIII. de Pœnit. & Remiss. In Sexto; Clementinar; Extrav. Commun. Lib. V. Titulos scorsivos eodẽm.

Quartum SACRAMENTUM est Pœnitentia, sicuti enim contingit in vita corporali: quod quandoquẽ quis infirmatur, et, nisi habeat medicinam; moritur, ita & in vita spiritali quis infirmatur per peccatum, unde necessaria est medicina, ad recuperandam sanitatem, & hæc est Gratia, quæ confertur in Pœnitentiæ Sacramento.

Pœnitentia ut virtus & quatenus est in *Lege Gratiæ Sacramentum*, multoties in Sacris Canonibus describitur, ut in *can. Ecce nunc tempus. §. fin. de Pœnit. Dist. 1. can. Pœnitentia. h. Tit. Dist. 3. can. Pœnitentia. ibid. cad. Dist. Altero modo spectata definitur apud Sotum in 4. Dist. 14. qu. 1. art. 1. & alios Thomistas. = Sacramentum remittendi peccata post Baptismum commissæ. sive clariùs: = Sacramentum, quo, ei, qui post Bapti-*

smum deliquit; si pœniteat & confiteatur peccata sua: remissio peccatorum per Absolutionem Sacerdotis confertur. Rursus ab aliis. = Sacramentum à CHRISTO DOMINO institutum, quo per Juridicam Sacerdotis Absolutionem: homini contrito, confesso, & satisfactionem spondenti, remittuntur peccata post Baptismum commissæ.

Ex suo genere triplex est, Solemnis. quam Episcopus in capite Quadragesimæ servata certâ rerum serie & forma, delinquentibus solet imponere, propter peccata eorum enormia, de hac satis clarè & breviter omnia collecta habentur: *can. In capite. Dist. 50.* Alia publica quæ publicè nulla servata juris solemnitate de qua in *d. can. In capite. præfertur;* à Sacerdote pœnitenti injungitur peragenda, & cum manifesta peccata non sint occulta correctione purganda;

rectè hujusmodi imponuntur
pœnitentiæ, per *can.* Si quis
vivente. 31. qu. 1. Tertia est
pœnitentia *privata* sive *secreta*,
quæ quotidie imponitur, cum
quis peccata sua Sacerdoti *sacra-*
mentaliter confitetur. *can.* Si pec-
caverit. 2. q. 1. quæ in occulto
DEO sit, & Sacerdoti: tanquam
DEO, & Ejus Ministro. *can.*
Presbyteri de occultis. 26. qu. 6.

Ex ipso Pœnitentiæ *roga-*
bulo patet, est enim quædam —
pœnitentio. — *materiam* remo-
tam Sacramenti Pœnitentiæ
esse peccata, prout virtute il-
lius diluenda — *Proxima* verd.
quia debet esse quidpiam quod
circa peccata versetur, sicut
Medicina circa morbos; — ta-
lis *Materia* sunt *Actus* ipsius Pœ-
nitentis, qui consistunt: in *cordis*
Contritione, *oris* confessione, &
operis satisfactione. *can.* De pœ-
nitentibus. de *Consecr.* Dist. 3. —
In pœnitentia namquæ tria de-
bent esse. *Contritio*, quæ est
dolor de peccato commisso cum
 proposito abstinendi. *Confessio*
peccatorum cum integritate,
& satisfactio quæ sit per bona
opera. Namquæ perfecta Pœni-
tentia cogit peccatorem omnia

libenter suffere, in corde proin
Contritio, in ore est *Confessio*,
in opere tota *humilitas* & *satisfac-*
tiō, hæc est *fructifera* Pœni-
tentia!

Sola iam verd *cordis* Con-
tritione, & *secreta* satisfactione,
absquæ Confessione *oris*, si non
adit oratione *secretus* illius, im-
plente *can.* tunc *satisfactio* *ro-*
to. *can.* Quis aliquando §. Vo-
tum pro opere. *Dist.* 1. non po-
test Christianus DEO satisfacere,
can. Petrus doluit. & *se-*
quentib. per tot. *Dist.* 1. *de* *Mat.*
Sacerdos quippe quæ *secreta*;
DEUS judicat, Cujus, is, Per-
sonam in Ecclesia gerit. *can.*
Scleratio omnibus. *de* *Mat.*
Dist. 3. — Unde peccata simul
verè dimissa non redeunt sim-
pliciter & absolutè, — quod
ipsum confirmat *fel. mem.* BENE-
DICTUS XI. *Extrav.* 1. de *Privil.*
in hæc verba — *Absurdum*: quod
per pœnitentiam dimissa peccata quis
confiteri debeat, & quod liberatus
debitor adhuc ad solvendum rema-
neat obligatus.

Ex modòprimùm recensitis,
— *triplex* colligitur in genus
fuisse, *et ma.* *Mentalis*, quæ est re-
cognitio peccati coram DEO in
corde

corde, quæ fuit tempore *Legis* natura, scilicet statim post peccatum Adæ. 2da. *Cæremonialis* Confessio, scilicet quod peccans tali peccatõ offerebat tale Sacrificium. & peccans in alio peccato offerebat aliud, & hæc fuit in *Legē Mosaicā*. Tertia Confessio quæ est presentis tractationis *Sacramentalis*, quæ sit Sacerdoti, requisita de necessitate salutis, triplici ratione. 1mò. Ex *CHRISTI Institutione*, Qui eam bilariani instituit = *implicitè*, & *explicitè*. *Implicitè* in figura, dum dixit leproso *Matt. 8. v. 4. Vade ostende te Sacerdoti. Explicitè*, dum dixit *Joan. 20. v. 23.* quando summo cum apparatu dedit Apostolis potestatem remittendi vel retinendi peccata = *Accipite SPIRITUM SANCTUM quorum remiseritis peccata remittentur eis, & quorum retinueritis retenta sunt.* Ibi enim Sacerdotibus potestas judicandi & remittendi conceditur, quæ requirit manifestationem de ipsis peccatis, quæ est Confessio, quibus enim datur potestas judicandi de aliqua Causa, datur eis potestas cognoscendi de illa, nullus autem potest ju-

dicare & esse bonus Judex, de iis, quæ ignorat. Sacerdos similiter non potest cognoscere sufficienter facta Conscientiæ peccatoris, nisi ipsa peccator ei per Confessionem aperiat, & sic *CHRISTUS* Confessionem *Oris* instituit. 2dò. Ex *DOCTORUM & Scripturarum testificatione* Confessio *Sacramentalis* est necessaria, sic *Ambrosius in Lib. de Paradiso cap. 14.* quod ipsum est in *can. XXXVIII. de Pœnit. Dist. 1. Non potest quisquam justificari à peccato, nisi antè fuerit peccatum confessus: & hoc loco: can. XLI. Joannes Chrysostomus = Non potest quis Gratiā Doni Cælestis accipere, nisi prius purgatus fuerit ab omni sorde per Pœnitentiā Confessionem.* *Augustinus ex Lib. 50. Homil. 49. de Pœnitentia in can. XLIV. ut supra, Dist. 1. relatus = Agite Pœnitentiā qualis agitur in Ecclesia, ut orat pro vobis Ecclesia. Nemo dicat sibi, occultè ago, apud DEUM ago, novit DEUS, qui mihi ignoscit, quia in corde ago. Ergo sine causa dictum est: Quia soperitis in terra soluta erunt & in cælo? Ergo sine causa Claves datae sunt Ecclesiæ DEI? ac si ipse sibi respon-*

respondet: *non.* & infra hīc *can.*
XLIX. S. LEO *Papa Theodoro*
Forojulensi Epist. 89. al. 591. =
Multiplex Misericordia DEI ita
benignus subvenit humanis, ut non
olim per Baptismi Gratiā, sed etiam
per Pœnitentiā medicinā, spes vitæ
reparetur æternæ: ut qui regenerati-
onis donum violassent, proprio se ju-
dicio condemnantes ad remissionem
criminum pervenirent: sic Divina Bo-
nitatis præsidis ordinatis, ut indul-
gentia DEI; nisi supplicationibus Sa-
cerdotum: nequeat obtineri. Idem
 post pauca. *Non remanet in iudicio*
condemnandum, quod fuerit Con-
fessione purgatum. 3tio. Ex Eccle-
 siæ præceptione, ubi Confessio Sa-
 cramentalis est necessaria; quia
 Ecclesia præcipit, quod semel in
 Anno quilibet postquam ad annos
 discretionis pervenerit, debeat
 Sacerdoti proprio omnia peccata
 sua confiteri. *d. c.* Omnis utriusq;
 sexus. *de Penit. & Remiss.*

FORMA hujus Sacramenti
 sunt verba Absolutionis, dum
 Sacerdos dicit = *Ego te absolvo*
 = juxta multos: *Absolvo te.*
 haud enim omnino requiritur
 vox = *Ego:* quia satis in verbo
 = *absolvo:* includitur, nec vox
 = *à peccatis tuis.* quia vox =

absolvo = licet in Censuras etiam
 cadere possit; ex prævia pecca-
 torum accusatione: determina-
 tur ad peccatorum remissionem.

MINISTER solus Sacerdos.
 Concil. Trident. *Sess. 14. cap. 6.*
de Ministro hujus Sacram. Porro
 non sufficit Sacerdoti Potestas
 Ordinis ad hoc ut validè absolvat,
 sed necessaria est Potestas Juris-
 dictionis, ex *cod. Trident. Sess. ca. 1.*
cap. 7. ubi dicitur: nullius mo-
 menti esse Absolutionem, quam
 Sacerdos profert in eum in quem
 non habet Ordinariam aut dele-
 gatam jurisdictionem. Supponit
 ergo aliquem posse esse Sacerdo-
 tem, & tamen carere debita &
 plena Potestate remittendi pec-
 cata; non quidem Ordinis; quia
 Potestas Ordinis confertur in ipsa
 Ordinatione, verum Jurisdictionis:
 quæ per extrinsecam Concessio-
 nem confertur. Est autem juris-
 dictio à jure dicendo nomen forti-
 ta = Potestas de publico introducta,
 cum necessitate juris dicendi, vel æqui-
 tatis statuendæ. Duplex constitui-
 tur à DD. altera Ordinaria, altera
 delegata, utraque in hoc Sacra-
 mento exercetur** voluntaria.

Reliqua scitu opportuna da-
 bunt pro materia moderna **RESO-**

** Cum Canonistis huic loco accomodè servire notant DD. eas, quæ in Decreta-
 libus Juris Pontificii c. Quia quæsitum est. c. Præterea. de Offic. & Potest. Jud. deleg.
 Similiter in c. Ecclesiastica. de Offic. Judic. Ordin. profero contentiose expressa esse
 dignoscuntur. Navarr. Consilior. Trullench. Prax. Resolut. Sacramentor. h. Tit.

RESOLUTIONES CASUUM.

1. **A**BSOLUTIO dari non potest *in scriptis*, aut alio signo, quod patet ex Concilio Florentino *in Decreto Unionis Armenorum*, ubi dicitur. = *Sacramenta constare rebus & verbis* = jam verò *in specie*: de Forma Sacramenti Pœnitentiæ memoratum Concilium hæc habet = *Formam hujus Sacramenti esse verba Absolutionis, quæ proferuntur à Sacerdote* = cum dicit = *Ego te absolvo.* = tum ex Conc. Tridentino *Sess. 14. cap. 6.* ubi dicitur Absolutionem esse adinstar *actûs judicialis*, quo à Sacerdote, velut à Judice Sententia pronuntiatur: Aliud porro est & ab hoc diversum, quòd Confessio fieri possit aliquando per autus & signa.

2. INNOCENTIUS XI. *die 2. Martii. Annò 1679.* damnavit hanc propositionem. = *Licet Sacramentaliter absolvere dimidiatè tantùm confessos, ratione magni concursûs Pœnitentium, qualis v.g. potest contingere in die magnæ aliquis Festivitatis vel Indulgentiæ.*

3. Absolutio si breviter interrumpatur, ut in exemplo

dicendo: = *Ego te* = (claudere januam.) *absolvo. est non aliter* continuata, quia est parva interruptio, cavendum tamen omnem, & quamcunque minorem: vix posse tolerari.

4. Saltim sub conditione *licitè* potest absolvi, is, qui nulum signum doloris dederit in casu mortis repentinae instantis, quia potest credi: quòd de peccatis pœnituerit homo fidelis & Christianus, quam opinionem videtur *in praxi* sequutus fuisse CLEMENS VIII. *Papa*, qui cum quendam hominem è fabrica S. PETRI cadentem cerneret, *Absolutionem* ei dedit, dicens = *Si es capax, absolvo te à peccatis.*

5. At verò si quis spontè accedit, sine ullo dolore & peccati detestatione; tunc iteranda est Confessio, nequè enim Confessio est sed *historia*; imò aliter sentientes *Anathemate* ferit Concil. Trident. *Sess. XIV. de Pœnit. Sacram. can. 4.* In his enim & aliis hujusmodi casibus: meritò dicitur cum S. Gregorio. *Confessionis verba quid sunt aliud? nisi folia, vera porro pœnitent-*

tantia, non ex foliis, sed ex fructibus pensari debet.

6. Absolutio à peccatis dari non potest Excommunicato; nisi priùs absolvatur ab Excommunicatione. *c.* Inter cunctas. *jam citati* BENEDICTI XI. *de Privil. Tit. VII. Extrav. Commun. Lib. V.*

7. Probabilius est, imò juxta Pontasium absolute non danda Absolutio Sacramentalis: foeminae; quæ, licet cum amasio suo duobus annis non peccet, ab eo identidem invisitur, literas ejus lubens recipit, & tabellam ejus conservat, quod spectat ad occasiones peccati, quas ex prava consuetudine deponere non vult.

8. Confessarius: qui dubitat fore: ut infirmus morte corripiatur, & decedat sine Absolutione, potest talem infirmum audito uno peccato antequam perficiat integram Confessionem absolvere, & deinde reliqua audire, ut Confessio fiat integra; quantum fieri potest.

9. Idem dici potest, quando infirmus fatigatur in explicatione peccatorum, dum verò tunc Sacerdos inter audiendum Confessionem infirmi prævidet

eum morte corripiendum, five similiter timet, & se, ipsummet Sacerdotem; morte præoccupandum; antequam Pœnitens omnia peccata sua mortalia explicet.

10. Si quis mala valetudine vexatus, Pœnitentiam petierit, & Sacerdotem vocari ad se curaverit, atque postmodum Sacerdote vocato ad ipsum ægrotum properante, oppressus ulteriori invalescente morbo & infirmitate obmutescat, vel in phrenesim conversus, non valens sua confiteri & propalare peccata Sacerdoti, sic permanferit: *ut voti saltim interpretativi faciendæ Confessionis Sacramentalis: Absolutionem & reconciliationem consequitur.* *can.* Qui recedunt. *can.* Is qui. *can.* His qui. *can.* Si aliquis. *can.* Si Presbyter. *can.* Agnovimus. *can.* Presbyter. 26. *qu. 6.*

11. Ast non solum ægrotis Sacramentum Pœnitentiæ conceditur, verum etiam ultimò damnatis supplicio. *Clem.* Cum secundum. *de Pœnit. & Remiss.*

12. Medici ab ægrotis vocati præ cæteris omnibus admonere & inducere debent ipsos ad vocan-

ad vocandum Sacerdotem, & sic ad Confessionem, ex quo etiam sequatur, & fit, quod consulto & proviso ipsis de Medico Spirituali pro salute animæ, salubrius remedium medicinæ corporalis eis contingat & profit, namque infirmitas corporalis nonnunquam ex peccato provenit, Teste DOMINO apud Joannem cap. 5. v. 14. = *Ecce sanus factus es: jam noli peccare, ne deterius tibi aliquid contingat.* = quod expressè perhibetur in c. Cum infirmitas. de Pœnit. & Remiss. & juxta sensum Abbatis in d. Capitulum scribentis in hæc verba = *ex aliis causis potest contingere infirmitas.*

13. Si quis autem Medicus non observaverit quod immediate dictum est, ab Ecclesiæ ingressu arcebitur per Sententiam duntaxat Judicis; non ipso Jure. c. In pœnis. de R. J. in 6to.

14. Peccatis occultis, non est injungenda Pœnitentia publica, non ita: quia frangatur *Sigillum Confessionis*, prout aliqui Doctores censuerunt, cum de consensu Pœnitentis injungatur & acceptetur, verum: quia sine sufficienti causa periculo exponitur fama Pœnitentis.

15. Episcopus aut Parochus potest absolvere suos subditos, inventos, vel secum ductos *extra Diocesim*, quia jurisdictio quæ absque strepitu Judicii exercetur, potest extra proprium Territorium & Diocesim exerceri. arg. tex. c. ult. de Offic. Legat.

16. Si Episcopus suo subdito concesserit, ut sibi possit idoneum eligere Confessarium, ille, quem is elegerit, in Casibus qui eidem Episcopo specialiter reservantur, nullam penitus habet potestatem, eò, quod in generali concessione illa non veniant, quæ, non esset quis verisimiliter concessurus. c. Si Episcopus. de Pœnit. & Remiss. in 6to.

17. Pœnitens potest non manifestare peccatum, quando ex illius manifestatione; sibi, vel alteri: probabiliter timet morbum corporalem, aut spiritua- lem. = Quamobrem si scemina confitendo peccatum timeat Confessarium scandalizandum, aut se ab eo sollicitandam, tenetur abstinere à Confessione talis peccati, donec habuerit copiam alterius Confessarii, aut si non speret fore ut brevi adventurus sit Confessarius, à quo non timeret hæc incommoda.

18. Ad Contritionem tenentur non solum periculosè ægro-
tantes, sed & milites ante pu-
gnam, nautæ ante procellosam
navigationem, prægnantes ante
puerperium; saltim *difficile*.

19. Communis Theologorum
sententia est, quod Confessarius
nactus Pœnitentem non satis pa-
ratum, tenetur examinare illum
& proponere ei species peccato-
rum ab ipso quidem *probabiliter*
commisforum, ut ea reminisca-
tur & confiteatur. Quæ obliga-
tio Confessariorum interrogandi
Pœnitentes potissimum *ad rudes*
& *idiotas*, non bene paratos pro
facienda Confessione Sacramen-
tali extenditur. *per can.* Qui vult
confiteri. §. Caveat Spiritualis
Judex. = verbo = diligens igitur
inquisitor. *de Pœnit. Dist. 6.*

20. Si quis scit duntaxat ex
Confessione, *Excommunicatum*,
vel sibi inimicum, non debet
propterea ipsum vitare, neque
acerbum vultum: sive acerbio-
rem quàm antè faciem ei osten-
dere, ac nihil prorsus agere,
tale, propter quod possit Pœni-
tens retrahi, quinimò taliter se
debet erga illum gerere Con-

fessarius, ac si nihil de eo un-
quam audisset, nisi fortè aliunde
hoc sciat, in Confessione namq;
Sacramentali scit peccata Pœni-
tentis ut DEUS. c. Si Sacerdos.
de Offic. Judic. Ordin.

21. Revelans quocunq; mo-
do, etiam *indirecte*: Confessionem,
peccat mortaliter, agens nimirum
per hoc contra Legem Divinam
& humanam, qui, si est Sacerdos,
debet deponi. *can.* Sacerdos. *de*
Pœnit. Dist. 6. tum & aliis pœnis
plectendus est. *d. c.* Omnis utrius-
quæ. *de Pœnit. & Remiss.* Laicus
autem qui aliquid infcio confi-
tente audierit; revelans, dum si
convincitur, pœna arbitraria ab
Episcopo puniendus erit.

22. Ad *Sigillum Confessionis*
obligantur Superiores, exem-
pli causâ; *Religionum*, seu qui-
vis alii, quibus nempe Confes-
sarius aliquid in Confessione au-
ditum aperuit, eo duntaxat sine:
ut ab iis Facultatem absolvendi
à reservatis obtineret, jam enim
quavis eorum in hac parte gerit
vices Confessarii, cùm ad ipsum
Causa deferatur, tum = quia:
Res, ad quemcunq; perveniat; cum
suo transit onere. *can.* Pastoralis.
de Deci-

* * Resolutio sub N. 1. hic data non modò de licitate verùm etiam circa vali-
ditatem Absolutionis, procedit de sola Sacramentali; Absolutione nempe à peccatis,
ut ibi: non item de Absolutione à Censuris, quæ conferri potest absenti, quandoquæ
eò infcio, & quamvis existat in peccato mortali. *juxta Navarrum cap. 26. n. 14.*
Suarez & alios.

de Decimis. tum — quia alias Confessio redderetur odiosa, eam siquidem Instituens CHRISTUS voluit esse maximè *Charitativam*, atque efficaciter ab omnibus frequentari.

23. Iudex qui legit repertam papyrum in qua descripta continebantur peccata Poenitentis, non potest de huiusmodi peccatis inquirere, sed debet ea perpetuò silentio tegere, nisi fortè aliud vix postulet commune Bonum; namque: & *naturale* secretum, & reverentia Sacramento debita, sic poscit; ut Instrumenta Confessionis Sacramentalis non deducantur ad *externum Forum*, cum periculo præfertim *odii*, atque oneris in Confessione.

24. In dubio: an puer plenerationis usque polleat nec ne? debet confiteri in Confessione Paschali & adveniente ea, tum: quia pars isthæc tutior fit, tum eò: quod non solùm mortalia *certa*, verùm etiam *dubia*, confiteri jubemur. — Excipiuntur tamen pueri à pœnis quas comminatur *Decretum Lateranense*, quia juxta tenorem — *c. Referente. de Delict. Pueror.* — In

pueris; relinqui solèt initium, quod in aliis provecioris ætatis, humanæ leges ducunt severius puniendum. — tantò magis: quòd nec inconsultò Episcopo: quisquam; eò quia Paschali officio defuit; Ecclesiasticà privandus est sepultura, ex siquidem pœnæ; Superioris sententiam *prævid* requirunt.

25. Cavendum Confessario ne inutilia exploret, ne fortunam Poenitentis sciscitetur, nisi in ordine ad eleemosynam, ne interroget nomen ejus, sive: cognomen, Familiam.

26. Confessarius qui ex sola Confessione didicit puellam esse gravidam, non potest sine consensu ejus, id, ipsa defuncta aperire, ut per Baptismum proli consulatur, ei tamen nisi hoc vel à Confessario declarari permittat, vel quod melius fuerit, alii extra Confessionem declararet: *Absolutionem Sacramentalem* Sacerdos impendere procul dubio non poterit; ut, quæ *temporale* famæ suæ bonum, *æterno* infantis bono anteponat. Quòd si puella hæc in extremis Confessarium revocari jussisset, qui eam reperisset omni sensu destitutam, non posset is secretum ejus

ejus prodere: neq; enim in retanti momenti sufficit licentia *præsumpta*, sed requiritur *expressa*. Ei tamen impendenda foret *Absolutio*, quia ad hanc sufficit aliqua Contritionis *præsumptio*.

27. Si Sacerdos peccatum suum confiteri alias non possit, nisi aperiat peccatum quod in Confessione audivit, & cujus Author à Confessario facilè intelligendus sit: debet peccatum illud hìc & nunc reticere, siquidem fortius est *vinculum Sigilli*, quàm Confessionis *integritas*, ex quo elicitur, quòd tantò magis extra Confessionem duo Confessarii qui eandem ejusdem Confessionem exceperè, de eo, inter se; tametsi consilii captandi gratià: nisi in id liberè consenserit Pœnitens, colloqui non possunt.

Notandum itaque: quòd omnis & quilibet Confessarius necessariò debeat habere has 5. conditiones scilicet = *Potestatem, scientiam, prudentiam, bonitatem & sigillum*.

28. Posset reservari impudicitia cum *Monialibus* quocunq; modo attentata, adeòquè mortifera semper in animo, etsi levis in opere, prout die 16. April. Annò 1744.

judicavit Tribunal Inquisitionis Romanæ.

29. Inanis & frustra ab aliquibus usurpata est illa *ceremonia*, circa Absolutionem Pœnitentis, acsi manus impositionis, tangendo caput Pœnitentis, cum nullum extet de hac re *præceptum*, imò non est adhibenda; cum fœminis, præsertim, ubi non servatur debita Confessionalium forma. Quocirca nemo hanc poterit excusare per illam, quæ *Exomologesim* seu Confessionem peccati antiquitus sequebatur, quæ nihil aliud erat quàm *Absolutio ab Excommunicatione quasi minori*, per quam *Lapsi* ab Eucharistia prohibebantur, secundum id Cypriani *Lib. de Crat. Dom.* = *Intercolante aliquo graviore delicto absenti & non communicantes à cœlesti Pane prohibemur.* = Legatur præterea ejusdem S. Doctoris *Epistola duodecima*, ubi permittit, ut Diaconi lapsi infirmis manus imponant.

30. Cum communi *DD. ex S. THOMA sexdecim*; verùm hìc quatuor enumerantur potiores conditiones Confessionis Sacramentalis, hoc versu expressæ:

Integra sit, simplex, humilis, parere parata.

Quæ

Quæ colliguntur exactè, præscripto. *can.* Quem poenitet. *de Poenit. Dist. 1. can.* Sunt plures. *de Poenit. Dist. 3.* Item: qualiter debeat esse vercunda, docetur *can.* Quem poenitet. *de Poenit. Dist. 1.* in verbis ibi — erubescens enim ipsa partem habet remissionis. Insuper: consulitur esse frequens, adedque etiam si non sit necessarium, valde tamen salubre extat, eandem iterare Confessionem. juxta *c.* Inter cunctas. *Extrav. Commun. de Privil. ibi* — Caterum licet (sicut prædicatur) de necessitate non sit, iterum eadem confiteri peccata, tamen quia propter erubescentiam, quæ magna est Poenitentia pars, ut eorundem peccatorum iteretur Confessio, reputamus salubre: *Eccl. lachrymal. olis.* internè magis quàm per exteriores lachrymas dolorosa.

Parere parata. satisfactionem attingit, quæ Sacramenti Poenitentia postrema pars est, eaque integralis. Et si pia Mater Ecclesia humanæ commiserens infirmitatis; primævam severitatem non nihil emolliverit, atq; à Canonum Poenitentialium usu recesserit; quandoquidem ut legimus in *can. Fraternitatis. Dist. 34.*

Defectus nostrorum temporum, quibus non solum merita, sed corpora ipsa hominum defecerunt, distractionis illius non patitur in omnibus manere censuram: non ideo tamen fas Confessariis Sacramentalem satisfactionem pro libito, ac temerè imponere; sed hac in re iustitiæ, prudentiæ, ac æquitatis jura debent unà componere. In irroganda autem satisfactionis pena Sacerdotes nihil sibi suo arbitratu statuendum esse, sed omnia iustitiâ, prudentiâ, & pietate dirigenda, existimabunt. Ita statuit Catechismus Romanus in Parochorum utilitatem jussu Concilii Tridentini elucubratus & à S. Pio V. PP. in lucem editus sub tit. de Poenit. Ut autem ad acceptandam opportunam satisfactionem, quæ à Confessariis imponitur, peccatores faciliùs inducantur, multùm proderit Canonum Poenitentialium notitia, quâ Confessarius instructus, esto Canones illos in usum non revocet, potest tamen eâ uti; ut poenarum quæ olim pro iisdem criminibus statuta fuerant, mensuram expliceat.

Hæc brevitatis causâ consultò omittuntur, ulteriori materiam gradum parat, qui imminet.

§. 5tus

De Sacramento Extremæ Unctionis.

Ad can. Ab Infirmis. XXVI. qu. VII. in II. parte Decreti;
 Decretal. Gregor. Lib. I. Tit. XV. de Sacra Unct. c. iiii. §. Scire
 te volumus. Instit. Lib. II. Tit. VII. ubi & de aliis singulis
 per Titulos respectivos Sacramentis.

TRactabatur hucusq̃ in materia Sacramentorum quæ ad ingressum & progressum in Ecclesia comparata sunt, sequitur de eo agere, quod propter egressum est institutum, quale hoc loci SACRAMENTUM Extremæ Unctionis, tali nomine appellatum: quia est ultima Unctio, quam homo Viator recipit, confertur siquidem homini existenti in extremis. Nullus enim potest intrare Vitam æternam, nisi sit bene purgatus, ideo necessarium fuit post Pœnitentiam aliud Sacramentum quo homo purgaretur à reliquiis peccatorum (puta venialium) & liberaretur ab infirmitate, ac præpararetur ad introitum Regni Cœlestis.

Definitur quòd sit = Sacramentum Unctionis infirmorum à CHRISTO DOMINO institutum, ad sanitatem mentis & corporis

precibus. Sacerdotum obtinendam per infusionem Gratiæ Sanctificantis, & sanationem morborum, ubi saluti animarum expedit:

MATERIA remota Sacramenti Extremæ Unctionis est Oleum ex olivis expressum, quam Ipse CHRISTUS instituit, prout hoc testatur S. MARCUS in suo Evangelio cap. 6. v. 5. & patet ex Epistola Canonica S. JACOBI cap. 5. v. 14. ubi dicitur = Ungentes cum Oleo. Oleum autem olivarum est propriè oleum, & cætera sunt improprie olea: ita cc. DD. Non alias tamen est materia hujus Sacramenti, nisi sit benedictum, ut constat, tum ex Florentino in Instructione Armenorum, ubi dicitur = Materiam hujus Sacramenti esse oleum olivarum, benedictum ab Episcopo ita Filliuc. tract. 3. cap. 4. qu. 6. & alii cc. proindeq̃ tale Oleum vocatur Infirmorum. Proxima verò est

est Unctio, quæ elicitur ex supra allegato testimonio = *Ungentes eum.* = tum: quia Sacramenta quæ consistunt in usu, habent pro ejusmodi materia *Actionem.*

FORMA Sacramenti Unctionis infirmorum est Oratio in Rituali Romano à PAULO V. *Apostolica Constitutione* approbato, præsentis Titulò: expressa, tenoris sequen. = *Per istam Sanctam Unctionem & suam piissimam Misericordiam, indulgeat tibi DOMINUS, quidquid* = (exempli causa) *per visum* (similiter in aliis membris, utpote & tanquam sedibus sensuum faciendo) *deliquisti.* Ex quibus: ista duntaxat *essentialia* videntur = *Per istam Sanctam Unctionem indulgeat tibi DOMINUS;* quia per hæc exprimuntur: *Actus, Causa principalis, subiectum, & effectus.* *Actus* quidem in verbis = *Per istam Sanctam Unctionem.* *Causa principalis:* *DEUS.* *subiectum* tibi. *effectus.* Indulgentia sive Misericordia DEI includitur in verbo = *indulgeat;* aut & quod significatur verbis istis = *quid quid deliquisti;* nam DEUS indulget peccatori. Et quidem conveniens est quòd sit *deprecativus*

prout constat ex verbis Apostoli, dicit enim Apostolus: *orent super eum.* adedquæ palam docet Orationem esse formam, sic namq; per Gratiam huic Sacramento annexam, in anima dignè illud susipientis absteruntur reliquæ peccatorum, idest expelluntur habitudines & proclivitates ad malum. Bono proinde consiliò: *ne modò Pœnitentiæ; ast & totius Christianæ vitæ, quæ perpetua Pœnitentiæ esse debet, consummativum existimatum est à Patribus,* in hæc formalia verba testimonium reddente Concilio Tridentino *Sess. 14. cap. 9.*

MINISTER Sacramenti Extremæ Unctionis est solus Sacerdos, & non alius inferior Sacerdote, quod per clarum ostenditur ex jam allegato capite Epistolæ S. Jacobi = ubi habet = *infirmatur quis ex vobis, inducat Presbyteros Ecclesiæ &c.* Neq; est de necessitate, quòd sint plures Sacerdotes præsentés, & etiam solus, sed solus Sacerdos, uno præsenté Clerico, potest hoc Sacramentum conferre, prout hoc super dubio respondit ALEXANDER III. Papa, de quo in c. Quæfivit. de Verb. Signif.

Quòd

Quòd si autem sint plures Sacerdotes, melius est: ubi, ille qui inungit; debet dicere verba, cæteri verò respondere & assistere, ac orare pro infirmo. Nec obstat quòd Sanctus JACOBUS numerò plurali dicat = *inducat Presbyteros*. quia ista verba idem sunt ac = aliquem ex Presbyteris, quomodò dicimur: confiteri peccata *Presbyteris*, nempe alicui Presbytero.

Paulò superiùs ostensum est, quemlibet Sacerdotem posse validè hoc Sacramentum administrare, non tamen hoc sit licitè, à quocunque Sacerdote, nisi: vel in extrema necessitate, vel de proprii Pastoris licentia, saltem tacita: quia hoc spectat ad debitum regiminis modum, & ordinatum exercitium potestatis Ordinis. Quapropter in *Clement. Religiosi. de Privilegiis & excessibus. Prælati*. ipso facto excommunicantur Religiosi, qui præsumpserint absque Parochi consensu licèt si in articulo mortis, tam hoc, quàm Eucharistiæ Sacramentum ministrare.

SUBJECTUM SACRAMENTI Extremæ Unctionis sunt soli Fideles de vita periclitantes,

qui ratione utuntur, vel certè antè usi sunt, & hoc Sacramentum recipere optaverunt. Nam cum hoc Sacramentum sit extremum & ultimum remedium, quod adhibetur à Fidelibus, consentaneum est, ut non adhibeatur nisi extremò morbo laborantibus, qui videantur ex hac vita migraturi. ita S. Thom. *Dist. 23. qu. 2. art. 2.* infirmis nempe qui tam periculosè decumbunt; ut in exitu vitæ constituti esse videantur.

Unde non conferendum est gerentibus bellum, non enim talis mors eis subeunda imminet ex defectu naturæ; sed ex eventu fortunæ, non item existentibus in mari cum periculo mortis, non potest item dari condemnatis ad mortem supplicii, siquidem hi non dicuntur infirmari, nec laborant verè infirmitate corporali. Secus dicendum: quoties isti ex morbo in periculo mortis versantur. Quòd si demum hoc Sacramentum conferatur insano; invalidum erit, ut colligitur ex Trident. *Sess. 14. cap. 3.*

De necessitate hujus Sacramenti est, ut ungantur quinque sensus

sensus corporis in suis sedibus præcipuis, scilicet: *Oculi.* propter sensum visus, *Aures.* propter sensum auditus, *Nares.* propter sensum olfactus, *Os.* propter sensum gustus, *Manus.* propter sensum tactus, *pedes.* ob vim motivam: repetita ad singulos formâ. Inungebantur etiam Renes, quia in eis incentivum libidinis consistit, & SALVATOR noster *Jacea cap. 12. v. 35.* dicit = *Sint lumbi vestri præcincti.* Scapulæ item ob vim appetitivam solebant inungi. Consuetudo verò Ecclesiæ servabitur, ast hæc postremæ partes non inunguntur hodie, in renibus enim & pedibus juxta loci consuetudinem, præsertim in fœminis fere semper omittenda est propter decentiam, ob pudorem scilicet & honestatem, non debent etiam scapulæ inungi, siquidem inunctæ fuerunt in Baptismo. *Similiter:* Manûs Presbyteri non ungendæ sunt palmæ *interiûs*, sed *exteriûs*, quia priûs ab Episcopo *interiûs* inunctæ fuerunt in Ordinatione.

SACRAMENTUM Extremæ Unctionis quamvis in eadem infirmitate sive in eodem statu infirmitatis iterari non possit, cum semel suscepta sit *Medicina* suf-

ficiens ad conferendum effectum; quo infirmus indiget, nihilominus si status infirmitatis mutetur; potest iterari, eò quod non habet *effectum perpetuum* sicut illa quæ iterari nequeunt, è quorum numero *duo* superiûs jam recensuimus, de *tertio* reliquo nempe eorum: manet nobis *immediatè* disserendum: Sacramento. Res clariûs videatur in exemplo = Si infirmus sit in periculo mortis; & inungatur, & postmodum relevetur, ac deinceps post aliquot dies sit in articulo mortis, poterit iterum inungi, & maximè: quando infirmitas est diuturna, ut esset paralytis, vel febris hectica, sive similis morbi affectio.

Debet ministrari hoc Sacramentum adultis etiam si *recens baptizatis*, namquæ & in his contra dæmonis astutias potentie sensuum indigent confortatione. Quælibet tandem Unctio *essentialis*; de quantitate *materiæ* tanta sit oportet; quanta satis est, ad hoc, ut juxta communem modum veram rationem Unctionis attingat, proinde non videtur sufficere unam guttam olei stillare, quia hoc non est ungere. Ulteriora demonstrant.

RESOLUTIONES CASUUM.

1. **S**I contigerit nullum adesse virum, sed solum foeminam, quæ Sacerdoti Extremam Unctionem administranti capax foret respondere: consultius erit, ut ipse sibi respondeat.

2. Graviter peccant, qui illud tempus inungendi ægrotum observare solent, quum jam omni spe convalescentiæ amissa: vitâ & sensibus carere incipiat. verba sunt PII V. Papæ. in *Cateches. par. 2. de Unction. de Sacram. Extrem. Unct. cap. 6. n. 9.* Quod intelligendum venit: *quoties; data opera nolit Parochus aliter facere.*

3. Potest sanè à pluribus circa illud ministrari, si autem unus ungeret, alius Formam proferret, tunc nullum est.

4. In dubio: num vivat ægrotus? administrari adhuc potest, saltim sub conditione = *Si es capax.*

5. Minister hujus Sacramenti cavere debet à duobus extremis, nempe ne sit nimis properus, & ne sit nimis tardus in dando *Olco S.*

6. Si quis non haberet oculum, vel nasum, vel alia membra: inungantur loca magis propinqua dictis membris & locis, ast si talis

infirmus laboret in extremis: citò inungetur, ne sine Unctione decedat. *can. Baptifari. Dist. 5.*

7. Potest isthoc Sacramentum conferri adulto, qui alioquin statim post susceptum Baptismum incidit in morbum lethalem, quamvis enim nullum peccatum commiserit post susceptum Baptismum, est capax effectûs hujus Sacramenti, & *Forma* verificatur saltim sub conditione = *si deliquit.*

8. Sacramentum Extremæ Unctionis impendit suum effectum in ultima Unctione virtute omnium præcedentium, licèt aliqui existiment illud producere partialem effectum in singulis inunctionibus, quia peccatum unius sensus non remittitur sine peccato alterius, & omnes Unctiones institutæ sunt ad effectum *completum* & ordinantur ad integram totius hominis Unctionem.

9. Sacerdos non debet petere in collatione hujus Sacramenti pecuniam, quia *Simonicus* esset. *can. Si quis Præbendas. 1. qu. 3.*

10. Si infirmus petierit hoc Sacramentum, & antequam Sacerdos

cerdos veniat loquelam amiserit vel notitiam, nihilominus Sacerdos eum inungat.

11. Si infirmus sciat se esse in peccato mortali, tenetur confiteri, si potest, aut saltem teneatur habere Contritionem si copiam Confessarii non habet, nec sufficit Sacramentum Extremæ Unionis.

12. Si ob morbi vehementiam & capitis turbationem nesciat se esse in peccato mortali, vel, si hoc quidem sciat, adhuc tamen *bona fide* se esse contritum putat, quum tantum sit attritus, tunc, ultro conceditur hoc Sacramentum sufficere, nec necessariam esse Confessionem, nisi *in voto*; quod si *re ipsa* haberi non possit.

13. Non est tamen necesse necessitate Sacramenti Uniones fieri in formam *Crucis*, cum hoc nulla sufficienti ratione probeatur. *ita Sylvester. verb. Unctio. §. 2.* Verum si res sit de necessitate *Præcepti*; perspicuum est: Uniones faciendas esse in formam Crucis. *Sylvester. verb. Unctio. n. 2.*

14. Parochus potest licite Oleum non consecratum miscere consecrato, quando timet fore: ut Oleum consecratum non suf-

ficiat, utrumque enim confetur consecratum per admixtionem, modò quod addatur; sit minoris quantitatis consecratò, siue quam extrema Olei consecrati, ut simul utrumque censeatur consecratum, melius itaque erit addere consecratum, si Olei consecrati copia possit haberi, namq;: *magis dignum trahit post se minus dignum. c. Quod in dubiis, de Consecr. Ecclesiæ vel Altar.*

15. Oleum Infirmorum ex consuetudine & præcepto debet esse benedictum *eo Anno* ad præscriptum *Canonis* — Literis vestris. *de Consecr. Dist. 3.* nec Parochus videtur à peccato excusandus, si Oleum *alterius Anni* adhibeat, nisi aliud suadeat necessitas. *ita Posservinus & alii.*

16. Dari potest Extrema Unctio, iis, qui ex solo senio versantur in probabili mortis periculo: *jux. Reginald. lib. 28. n. 69.*

17. Si Episcopus *ut die Cænæ DOMINI* hoc Sacramentum conficiat sit infirmus, absens, aut Sedes vacet; necesse erit adire proximiorum Episcopum, & ab eo petere *Consecrationem* Olei S. ac antiquum comburendum est. *c. Quoniam. de Sent. Excom. in Sexto.*

Sexto. & c. Si Episcopus. de splend. neglig. Pralat. ibid. in Sexto. quod potest fieri etiam si in Ecclesia *Interdicta, jux. DD. in d. c. Quoniam. de Senten. Excom. in 6to. & gloss. in c. unic. Clementinar. de Reliq. & Venerat. Sanctor. verb.* — Sacri consecratione Chrismatis.

18. Non est *improbabile* hoc Sacramentum *valide* aliquando posse conferri, sub hac forma — *Ungo te Oleo Sancto, DEUS tibi remittat peccata tua, quidquid per deliquisti.* Siquidem verbo indicativo adjungitur sufficiens deprecatio, peccaret tamen graviter, qui iret contra usum Ecclesiæ Romanæ.

19. Hoc Sacramentum ministratum à *Diacono*, & quamvis id faciat de licentia PAPÆ; est *invalidum*, quia in his quæ sunt *de jure Divino* & ex CHRISTI Institutione, PAPA non potest dispensare.

20. In necessitate quando alius non esset, vel si iniquus Parochus nollet illud administrare, aut licentiam concedere, tunc posset quilibet Sacerdos ministrare, sublatò scandalo, in quo casu non usurparet utiquè *jurisdictionem* alienam, sed defenderet jus innocentis, & præsumitur

tunc adesse licentia Episcopi, aut PAPÆ.

21. Parochus cùm fit *Ordinarius* Minister potest hanc facultatem delegare, censetur autem adesse licentia *interpretativa*, quando infirmus jam jam moritur, & Parochus commodè atque opportunè inveniri non potest.

22. Potest hanc licentiam concedere Parochus *Excommunicatus*, etiam vitandus, aut ab Officio *suspensus*, nam hujus Sacramenti ministratio magis fundatur in *Ordine* quàm in *Jurisdictione*.

23. Liberantur à supra dicta *Excommunicatione* Religiosi, administrantes cum expressa ratihabitione Parochi, quando infirmus est *in mortis articulo*, quia tunc præsumitur adesse consensus Episcopi: aut PAPÆ, eò quòd non fit credibile Ecclesiam velle privare tantò Sacramento, quo homo potest ex *attrito* fieri *contritus*, & consequenter salvari.

Postquam hucusquè de iis Sacramentis, quæ quoquo modò *necessitatis* sunt; tractabatur, reliquum nunc de iis differere, quæ *Dignitatis* sunt & *voluntatis*, qualia sunt Sacramenta *Ordinis* & *Matrimonii*, unde de Ordine fit.

§. 6.

§. 6tus

De Sacramento Ordinis.

Ad Decreti partem I. Distinctiones; XXI. III. IV. VI. VII. VIII. XXXI. III. IV. XLVIII. IX. I. LI. II. III. IV. V. VI. VII. VIII. IX. LXIV. V. VI. VII. VIII. IX. LXXI. IV. V. VIII. LXXXI. III. Partem II. Causas; I. qu. V. VII. qu. I. IX. qu. I. & sequ. X. qu. I. XII. qu. XIII. XV. qu. VIII. XVIII. qu. II. Decretal. Gregor. Lib. I. Tit. XI. XII. XIII. XVII. XVIII. XIX. XX. XXI. Lib. V. Tit. XXVIII. XXIX & sequ. In Sexto Lib. I. Tit. IX. Septimo Lib. I. Tit. V.

Quia necessarium est quod prædicta Sacramenta conferantur per determinatos Ministros; necessarium fuit Sacramentum Ordinis cujus Ministeriò hæc Sacramenta dispensarentur juxta testimonium Apostoli imà ad Corint. 4. v. 1. Adeòquæ licèssi non singulis CHRISTI Fidelibus verùm Ecclesiæ in communi, nempe *Fidelium Universitati* Sacramentum Ordinis est necessarium *simpliciter*, sine quo nequæ Hierarchia Ecclesiæ consistere potest, neq; alia Sacramenta confici.

Definitur = *Est Sacramentum, quo specialis Potestas traditur, ad conficiendum CORPUS & SANGUINEM CHRISTI.* Hæc definitio accommodari potest singulis Ordinibus, spectata *duplici* Potestate quæ per Ordines confertur ad

Eucharistiam, *mediata* scilicet & *immediata*.

Ex antiqua & constanti Ecclesiæ Latinæ Traditione *Septem* recensentur Ordines, tum ab EUGENIO IV. in Decreto *pro Armenis*, tum ex Concilio Tridentino *Sess. 23. cap. 2.* scilicet: *Presbyteratus, Diaconatus, Subdiaconatus, Acolythatus, Exorcistatus, Lectloratus, & Ostiariatus.* Tum ex congruentia propter septiformem Gratiam SPIRITUS SANCTI, cujus qui non sunt participes: ad *Gradus* Ecclesiasticos indignè accedunt, illi verò in quorum mentibus diffusa est septiformis Gratia SPIRITUS SANCTI, quum ad Ecclesiasticos Ordines accedunt, in ipsa Spiritualis *Gradus* promotione ampliorem Gratiam percipere necessariò sunt credendi.

Horum

Horum tres sunt *Majores*, qui etiam *Sacri* vocantur, incipiendo à Subdiaconatu usque ad Episcopatum. *can. Omnium. Dist. 32. Minores* sunt quatuor, inclusivè ab Ostiariatu usque ad Acolythatum. *can. A Subdiacono. Dist. 93.* = Sic dicti = *Majores* = quia circa Missam & Sacramentum Eucharistiæ aliq; Sacramenta sublimiorem habent curam, dignitatem & Officium, = *Minores* = quia minorem. At omnes prædicti Ordines unum constituunt Sacramentum respectu finis, quia etsi diversi sint Ordines, in unum tamen offeruntur finem, nempe: ad CORPUS CHRISTI *Verum & mysticum.*

Sed difficultas est de *Subdiaconatu*, qui inter sacros & majores Ordines nondum numerabatur sæculo duodecimò, licet votum continentiae ipsi esset annexum saltem à sæculo sexto, & Subdiaconi à primis sæculis ordinati fuerint per contactum Calicis vacui. Item constat ex Concilio quarto *Carthaginensi*, quod celebratum est quartò labente sæculo; Ac proinde *Subdiaconatus* non recensetur inter majores Ordines propter votum

continentiae, nec propter necessariam *Subdiaconis* facultatem contingendi vasa sacra, prout hoc solidè defendit Hugo à Sancto Victore *lib. 2. par. 2. cap. 13.* Verùm potior ratio cur Subdiaconatus accenseatur inter majores Ordines? repetenda est ex dispositione Ecclesiæ, quæ decimo tertio sæculo sub INNOCENTIO III. *Subdiaconatus* Ordinem inter majores recensuit, prout hac de re edocet *c. A multis. De ætate & qualit. præficiend.* item *c. Miramur. De serv. non ordinand.* Occasionem dedisse videtur URBANUS II. qui undecimò sæculo indulgit ut Subdiaconi = *Si tamen spectata sint Religionis & scientiæ;* in Episcopos eligi possent, quum antea nullus nisi Diaconus ad illud honoris culmen eveheretur, juxta *can. Nullus in Episcopum. Dist. 60.*

Altera difficultas obvenit de *Episcopatu* ad præallegatum *can. Omnium. Dist. 32.* eo quod Canonistæ sustinent Ordinem Episcopalem habere *Materiam & Formam* distinctam ab Ordine Presbyterali. *Materiam* scilicet impositionem Evangeliorum super cervicem & scapulas, de quo

expressè habet *Pontificale Romanum Titulo de Consecratione Electi in Episcopum. Formam verò = Accipe SPIRITUM SANCTUM. Adedq; esse Ordinem non tantum prout est Sacramentum imprimens Characterem, verum etiam prout est distinctus à dicto Ordine Presbyterali, & quamvis eadem verba proferantur etiam in Ordinatione Diaconi, sed non proferuntur in actu traditionis Instrumenti, idest libri Evangeliorum, quemadmodum in Ordinatione Episcopi. Quæ difficultas conciliari potest dicendo = Sacramentum Ordinis subdividi in plures Ordines, qui (ut placet non paucis Theologis) singuli sunt Sacramenta, atque earatione explicatur præallegatum Concilium Tridentinum, ubi decernit septem esse novæ Legis Sacramenta, ab iis nempe de specie infima tantum, hic verò quò ad speciem subalternam spectata, atq; sic intellecta.*

MATERIA remota Sacramenti Ordinis est res illa, quæ traditur suscipienti Ordines, non excludendo in Diaconatu & Presbyteratu Manus Episcopi. Proxima verò est traditio mate-

riæ remotæ, & respectivè impositio Manuum Episcopi. Ex Sacris in quorum collatione impositio Manuum Episcopi est essentialis, Instrumentorum traditio ad integritatem eorundem pertinet. Dicta tandem Instrumenta Episcopus Ordinandis porrigens: admonet eos, quomodo in suscepto Ordine rite & diligenter ministrare debeant, de quibus latè & fusè satishabeant Canones Sacri. *can. Ostiarius. Dist. 23. can. Lector cum ordinatur. can. Exorcista. can. Acolythus. can. Subdiaconus. can. Diaconus. can. Presbyter cum ordinatur. Dist. ead.*

FORMA est illa, quæ ab Episcopo sub certis verbis in Ordinum collatione profertur, quæ tamen pro Graduum ac Ordinum diversitate alia atque alia præscripta est, per quam nimirum Ordinatus accipit potestatem faciendi imò & exequendi Officium sibi injunctum.

MINISTER Sacrorum Ordinum, & Minorum, & primæ Tonsuræ, quæ etiam nomine Ordinis apud Canonistas censetur, per c. Cum contingat. *de Ætat. & qualitat. & Ord. præficiend.*

ex Jure Divino tam vi Ordinationis est solus Episcopus, non aliis siquidem sed Apostolis & eorum Successoribus Episcopis Jus & Authoritatem Ministros Ecclesiæ ordinandi contulit CHRISTUS, quod ipsum referunt Acta Apostolorum *cap. 6. v. 6. & cap. 14. v. 22.* attestatur PAULUS 2dâ ad Thessalonicen. *cap. 1. v. 11.* imâ ad Timot. *cap. 3. v. 2. & 8.* ibidem *cap. 4. v. 14. & cap. 5. v. 17.* necnon 22. Ad Titum *cap. 1. v. 5.* At regulariter non nisi proprius; siue alius sed de consensu proprii Episcopi, juxta obloquentiam *c. Eos qui. de Temp. Ordin. & ex Concil. Trident. Sess. 23. cap. 8. de Reform.* Proprius verò Episcopus triplex est, scilicet: *Originis, Beneficii & Domicilii*, ita BONIFACIUS VIII. *c. Cum nullus. de Temporib. Ordin. in Sexto.* Unde Synodus Senonensis Annò MDXXVIII. declaravit, à quolibet ex tribus istis Episcopis licere Ordines suscipere. Cavendum insuper est, ne per fraudem Beneficium obtineatur, idest ad hoc ne se Examine proprii Episcopi subiciat. Præsumitur item fraus quando Bene-

ficiū est insufficientis redditus, & verisimile est Beneficiarium nolle se tenere mancipatum obsequiō Diocesis in qua ordinatur, adeoque sic incurrit poenas in eos latus, qui ab alieno Episcopo ordinantur, nimirum est suspensus ab Officio Ordinis taliter suscepti, unde si in eo ministravit, Irregularitatem contrahit, *ex Declaratione Cardinalium Annò MDCLXII.*

Ex *Commissione* Summi Pontificis possunt conferre Ordines *Minores* Cardinales Presbyteri, prout hoc comprobatur consuetudo, tantò magis in suis Titulis, in quibus habent jurisdictionem. *Item ex Privilegio* possunt etiam conferre *Minores Ordines* Abbates, habentes jus Mitræ & Baculi benedicti ab Episcopo. De Tonsura habet Canon = Quoniam videmus. *Dist. 69.* similiter de Clericatu *jam cit. c. Cum contingat. de Ætat. & qualit. & ord. praeficiend.* latius in *c. Requisivit. de Ordin. ab Epi. qui renun. Episcopat.* quod tamen limitavit Tridentinum *Sess. 23. cap. 10.* respectu suorum *subditorum* tantum, ex quo; aliis conferre non poterunt, nisi habeant licen-

licentiam à suis Ordinariis, quum hoc jure proprio sibi non liceat. ut in c. Abbates. de Privilegiis in Sexto. docetur.

Rursus hoc loco difficultas occurrit, quænam *Manuum* Episcopi *impositio* in Ordinatione Presbyteri sit Materia essentialis? *Duplex* enim vel etiam *triplex* adhibetur *Manuum impositio* in Ordinatione Presbyteri, quandoquidem 1^{mo}. Pontifex & post illum alii Presbyteri Manus imponunt initiò Ordinationis ad Presbyteratum ordinando, absque ulla verborum prolatione 2^{do}. Nulla interjecta morâ tam Pontifex quam alii Presbyteri tenent Manus extensas super initiandum, adeoque isthæc *Manuum impositio* videtur esse eadem cum præcedente *continuata*. Interim verò Pontifex fundit preces pro presbyterando, quæ fusa ad DEUM oratio habet rationem formæ. 3^{to}. & ultimo. *Manuum impositio* fit post Communionem cum ista verborum forma = Accipe SPIRITUM SANCTUM, quorum remisit peccata &c. Hanc plures existimant ad substantiam Sacramenti pertinere, contenduntque: Presbyterum ante hujusmodi *impositio-*

nem *Manuum* Episcopi; non habere potestatem remittendi peccata.

SUBJECTUM quilibet homo masculus, baptizatus; ad *validè*; quantum & *licitè* suscipiendos Ordines Confirmatus, in debita ætate constitutus; nullo *Canonico* impedimento detentus.

Addendum restat: probabilius dici nullam esse infantum & amentum Ordinationem, eò quia nullum vestigium nec in Scripturis nec in Traditione occurrat collatæ Ordinationis infantibus vel amentibus, quinimò omnes Canones Ecclesiastici requirunt: ætatem, scientiam, probitatem, consensum & alias similes qualitates, quæ procul dubiò excludunt ab Ordinatione infantes, & amentes, tanquam eos, quibus illæ conditiones inesse haud possunt. Neque dicendum erit *Canones* procedere de *illicita* non autem *invalida* Ordinatione; quia hæc responsio nullo Sacre *Scripturæ* aut *Traditionis* fundamento probari potest, sed solum Scholasticis nudis ratiociniis, quæ nisi fundentur in *Scriptura* & *Traditione*; parum habent momenti & ponderis ad persuadendum.

Tum: etiam si aliquæ mulieres olim dictæ sint *Episcopæ*, *Presbyteræ*, *Diaconissæ*, *Subdiaconissæ*; non ab ullo Ordine vel Ministerio Ecclesiastico sic appellatæ fuerunt, sed à Viris suis, qui cum ad illos Ordines assumebantur, eas relinquebant, aut in sæculo Votò Castitatis obstrictas, aut in Monasteriis *Professionem* solemniter emittentes. Nullibi porro extat mulieres ad Ordines assumptas fuisse. Quamobrem quando facta est mentio in *can. Diaconissam. 27. q. 1. 1. & can. Mulieres quæ apud Græcos Presbyteræ. Dist. 32.* hæ utique in Ecclesia tanquam *Ordinata* constitui omnino prohibebantur. Similiter illæ mulieres, quibus ante quadragesimum ætatis suæ annum ordinari non licebat, *Diaconissæ*, de quibus in prædicto *can. Diaconissam.* ne utique fuerunt verè initiatæ Ordine Diaconatûs, aut duntaxat fuerunt destinatæ ad quædam obsequia Divina, laicis; imò cuique populo fideli communia, in instruendis *privatim* mulieribus *catechumenis* ad Baptismum, adeoque & Presbyteras illas nequaquam insignitas fuisse Sacro

Presbyteratûs Ordine, sed habuisse certam curam quarundam rerum Ecclesiæ. Speciali quidem ritu per impositionem Manuum *Diaconissæ* instituebantur, at is mèrè *cærimonialis* erat, non Ecclesiasticæ Institutionis, tantò magis haud *Sacramentalis*, aut ex Divina Ordinatione.

Licètsi tandem nomen Presbyteri *Græcè* seniore[m] significans; à senectute sit sumptum, magis tamen sapientiæ indicat maturitatem, quam corporis canitiem. *can. Quis quis. Dist. 84.* Ipsi nihilominus constituti in minori Ordine & Beneficio, iis, qui aut Ordine aut Officio præcellunt, exhibere debent reverentiam & obedientiam. *can. A Subdiacono. Dist. 93.* Constituti in majori Ordine & Beneficio vicissim inferioribus præstare amorem & Charitatem. *can. Esto subiectus. Dist. 95.* Meminerintque: se esse Majores & non Dominos, ac tales; ut non solum præsent, sed etiam profint. *d. can. Esto.*

Examinatores diligenter Ordinandos examinare in conscientia onus habent, seu examinet eorum quivis & seriò investiget,

stiget, ac hujusmodi scrutinium tam Ordinationem quam Beneficiorum collationem præcedere debet, circa eorum: Genus, Patriam, ætatem, Institutionem, Locum ubi sunt Ordinati si aliquos habent Ordines, si Interstitia servaverunt, si Litteras callent, si instructi Lege DEI, & ante omnia — si Fidem Catholicam firmiter teneant, hæc expressa habentur *can. Nullus. can. Episcopi. can. Quando. & per tot. Dist. 24.* Novissimè tamen consulerè est Concil. Triden. *Sess. 23. cap. 5. 7. 13.* in Decreto Reform. & *Sess. 7. cap. 13. ibid.*

Presbyteri deniquè pro talibus non habentur, qui nullius Episcopi disciplina & providentiâ gubernantur, *acephalique* nuncupantur idest sine capite. *can. Nullus. Dist. 98.* Contra hujusmodi vagos & ignotos Sacerdotes videre est Decreta Sacrosancti Concilii Triden. *Sess. 22.* ubi eos arceat à celebrandis Missæ Sacrificiis, & *sequi. Sessione cap. 16.*

Adeoque Titulum seu Beneficium Ecclesiasticum sufficiens ad sustentationem, non habentes ordinari prohibentur per *cit. Conc. Trid. Sess. 21. cap. 2. de Reform.*

aliàs Ordinati incurrunt Suspensionem ipso facto. *can. Neminem absolute. can. Sanctorum Canonum. Dist. 70.* quæ Jura licèt fuerint correctæ per *c. Cum secundum. de Præb. & Dign.* ut notat *gl. fin. in c. Non liceat. ibid. de Præb.* tamen per *Conc. Trid. loc. cit.* videntur fuisse iterum renovata, quum indistinctè Concilium ibi loquatur de Juribus antiquis.

Ipse insuper Ordines conferens *indignò* mortaliter peccat, similiter Prælati & alii qui faciunt suos taliter promoveri, quia infideliter *Dona DEI* dispensant, & Ecclesiæ detrimentum faciunt, & Honori Divino. Idem sentiendum venit de consulentibus, promoventibus sive præsentantibus hujusmodi, quando *scienter* faciunt, vel non adhibent curam scire eos dignos, quia verè cooperantur ad malum, nequè sufficit non scire eos esse malos, sed oportet: quod ii qui promovent & commendant noscant bonos, eo modo quo est possibile scire, ad hoc spectat *Canon.* Quando Episcopus. §. Ipsi autem. *Dist. 24.*

Post hæc dicta & recensita:

RESOLUTIONES CASUUM.

1. **O**rdinatus à PAPA pro inferiori Ordine; non potest à proprio Episcopo ad superiorem promoveri sine speciali licentia PAPÆ, quia ubi ille incipit: inferior non debet finire. *c. Cum in distribuendis. de Temporib. Ordinatus. Abbas in c. Postulastis. n. 10. de Cler. Excomm. ministran.*

2. Si quis habeat *Beneficium* in aliqua Diœcesi; & *Domicilium* vel Originem in alia, poterit ordinari in illa in qua habet Beneficium, etiam si forsitan teue, dum modò tamen sit congruum ad sustentationem, quia etiam tale verè est Beneficium. *gl. in c. Cum nullus. verb. Ecclesiasticum. de Temp. Ordinatus. in Sexto.*

3. Litteratura Ordinando cuiquè ratione sui Ordinis competens & requisita, aded necessaria est de jure *Divino*, ut PAPA non possit dispensare in ea. *Felin. in c. Si quando. de Rescript. colu. penult. verb.* Sed dices. *Navarr. cap. 27. n. 205.* Notat. & dicit. — PAPAM rarò aut nunquam in hoc defectu dispensare directè, ad quod refertur doctrina in *can. Il-literatos. Dist. 36. can. Ignoran-*

tia. Dist. 38. ex eoquè facilè resultat quantò minùs dispensare poterit Episcopus.

4. Si fortè acciderit: ut dum ad Ordines generales Examina fierent juxta præscriptum *can.* Quando Episcopus. *Dist. 24.* moriatur Episcopus feria sextà *Quatuor Temporum: Capitulum Sede vacante* posset concedere facultatem Episcopo; Titulari vel alterius Diœcesis, ad hoc, ut Sabbatò immediatè sequenti Ordines celebraret, eò quod hoc non esset *Dimissorias* dare Ordinandis, sed Facultatem Episcopo ordinandi, eos, qui à recens defuncto Episcopo defuncto ordinandi erant, ex casu, & prout hac vice: non obstante; quod ad mentem *Concilii Tridentini Sess. 7. cap. 10. de Reform. infra Annum integrum elapsum à die vacationis; Litteras Dimissorias seu referendas Capitulum dare non potest Ordinandis.*

5. Probabilius est, diem *bis-sextilem* computandum esse pro ætate *legitima*, quam jura in promovendis ad Ordines requirunt, maximè: quia duo illi dies pro uno computantur, tum ex eo: quia

quia Anni computandi sunt juxta Ritum & usum Ecclesiæ, prout in simili tradunt *DD. de Interstitiis*, usû autem Ecclesiæ receptum est, ut dies *bissexti* computentur, alioquin enim non forûm non esset computandus dies illius Anni *bissextilis*, verûm nequẽ Annorum præcedentium, quod fieri non debet.

6. Non extinguuntur Literæ *Dimissoriæ* post mortem Episcopi, à quo datæ sunt, quod constat *ex c.* Si gratosè. *de Rescript. in Sexto.* siquidem ea, quæ sunt Gratia non exspirant per mortem concedentis, ut refert vulgatum illud — *Gratia non moriuntur.* inter *Brocardica* relatum.

7. Quandoquẽ Diaconi in Jure dicuntur Sacerdotes, ut in *can.* Si quispiam. *Dist. 81.* quinimò Subdiaconus in favorabilibus venit nomine Sacerdotis, non item in odiosis per Regulam Juris *XV. in Sexto.* Verûm tamen propriè Sacerdotes ii appellantur qui Eucharistiam conficiunt. *can. Cleros. verb. Sacerdos. Dist. 21.*

8. Ordinatus in Subdiaconum absquẽ Sacramento Confirmationis non est iterum ordinandus,

sed supplendus defectus Confirmationis. per *c.* Presbyter. *de Sacram. non iter.* sic etiam de Minoribus Ordinibus foret intelligendum.

9. Episcopus *renuntians* in toto Dignitati Episcopali; non propterea ipsam quò ad potentiam Ordinandi perdit, quin in Ordinatione characterem imprimat.

10. Qui ordinantur *per saltum* non suscepta prius prima Ton-surâ manent Ordinati, sed peccant mortaliter. *Conc. Trid. Sess. 23. cap. 4.*

11. Quod si ascensuro ad *Presbyteratum* per oblivionem contingeret, Calicem sine vino, vel patenam absquẽ pane triticeo dari, non maneret Ordinatus, & tunc opus esset reiterare Sacramentum Ordinis sub conditione; non desunt tamen, qui dicant: unam ex duabus speciem sufficere.

12. Qui ignorabat se esse *Excommunicatum*, ast in hujusmodi ignorantia invictè perseverans fecit se ad Ordines promoveri: *secularis* à solo PAPA; *Regularis* à Superiore proprio erit absolvendus. per *c.* Cum illorum. *de Sent. Excomm. & ibi gloss.*

13. Novi Sacerdotes five *Presbyteri* recens Ordinati, ad peragenda Missarum Sacrificia *infra sex Menses* à tempore suscepti Presbyteratûs (*nisi fuerint Canonice impediti*) tenentur; ita præscribunt *Constitutiones Provinciales WEZYKOVIANÆ* in Regno Poloniæ Annô 1628. editæ lib. 3. fol. 226.

14. Clericus utens vestibûs variegatis five diversi coloris — per *sex Menses* manet suspensus à perceptione fructuum sui Beneficii, & incurrit alias pœnas sancitas in Clem. 2. de vita & honest. Clericor.

15. Quum novi Sacerdotes cum Episcopo celebrant, non debent *intentionem* suam ita conformare, ut intelligant se consecratos eo momento quo Episcopus extrema verba protulerit, five ipsi antè; five postea Formam compleverint, tunc enim *effectus Formæ* remaneret in *suspensio*, sed debent esse ita animò comparati, ut omne studium ponant perficiendi ultima verba cum Episcopo, atque ita: unà cum eo consecrent. Ex quo fit. ut si non ita jungant sua verba cum Episcopo: non conse-

crent, eum non habuerint *intentionem* consecrandi.

16. Si quis *Patrimonium* suum fictum esse sciat & nihilominus Ordinationem recipiat, manet suspensus, per *can. Neminem. Dist. 70. can.* Sanctorum Canonum. *ead. Dist.* tum ex Decreto *Sacræ Congregationis* Annô 1610. Si verò id nesciat, sciat autem Ordinarius, & tamen ordinet: Ordinans quidem suspensionem non incurrit, tenetur autem de proprio Ordinum alere, ex vi eorundem Canonum & conformi sensu *Sacræ Congregationis Concilii* §. 16.

17. In *Sacræ Congregatione* die 31. Martii. Annô 1685. agitatatum est, num Clericus qui falsaverat *Testimoniales* Ordinum præcedentium, adeòquæ metu Censurarum quæ in eo casu comminari solent in Edicto: habuit *intentionem* non suscipiendi Ordinem *Subdiaconatus* qui tunc sibi ab Episcopo conferebatur; re ipsa Ordinatus esset nec ne? Respondit verò Die 24. Augusti Annô eodem. — *Esse iterum Ordinandum sub conditione*, namque pro illa animi perturbatione qua agitabatur Clericus non satis constare poterat, utrum

utrum verum animum suscipiendi Ordines habuerit. ita dicta Congregatio. §. 13.

18. Cum male promotis ad Ordines & signanter cum promotis per saltum, in Casibus occultis *Major Penitentiarius* dispensare potest, ad effectum: ut omisos Ordines occultè suscipiant, à quolibet Episcopo, etiam extra Tempora, non servatis Interstitiis, & absque Dimissoriis, non ita tamen: ut plures Ordines Sacros eodem die suscipiant. Sic expressè referente Bulla = PASTOR BONUS. Bullar. Tom. 1. n. 95. §. 18.

19. Is dispensat etiam cum promotis ad Sacros Ordines per *Simoniam*, in Casibus tamen occultis & in Foro Conscientie tantum. *Ibid. §. 19.*

20. Qui bona fide ante legitimam ætatem Ordinatus fuit, non potest nisi ipsa impletà respectivum Ordinem exercere, tum à fortiori qui mala fide etiam si in Irregularitate Dispensationem obtinuisset, cæteroquin aliorum Ordinum sive Ordinis Officia quibus debitè Ordinatus extitit bene poterit exercere.

21. In Ordinatione si aliquid omittatur, quod sit vel dubitetur esse de substantia; totum debet iterari, quia non dicitur iterari quod dubitatur esse factum. *can. Solemnitas. Dist. 1.*

22. Si autem clarum est quod non de substantia, non debet iterari, verum statuto tempore cautè suppleri. *c. Pastoralis. cod. Tit.* Unde quando omisum est aliquid debet suppleri per Eum; qui ordinavit, si fieri potest, sive per alium si non potest, servato Ritu in Pontificali expresso. Debet autem sic suppleri ut suppleatur tempore Ordinationis. *jux. Card. Hostien.* scilicet quod patiens defectum aliquem in Ordine quem suscepit commissum, veniat quasi ministrans Episcopo, & non sit intentio Episcopi reiterare sed solum supplere, ita: quod fiat sine scandalo quantum est possibile, & is non exequatur Officium Ordinis; usquequod non fuerit suppletum. *d. c. Pastoralis. de Sacram. non iter.*

23. Si Episcopus faceret actus, & alius diceret verba in Ordinatione, nihil faceret, eò quia Sacramenta sunt unitatis, quæ divi-

dividi non possunt. *can.* Quia passus. *de Consecr. Dist. 2.* fallit tamen in Minoribus Ordinibus. *can.* Acolythus. *Dist. 23.*

24. Qui coactè contra suam voluntatem ordinatur; non est ordinatus quia non intendit facere quod facit Ecclesia, sicut dictum est, neque reciperet Baptismum. per *can.* Majores. *de Bapt. & ej. eff.* in fine, ubi Pontifex simile fert iudicium *respectivè* ad alia Sacramenta in verbis ibi = *tunc ergo Characterem Sacramentalis imprimit operatio; cum obicem voluntatis contraria non invenit obfistentem.*

25. Quod si porro ordinaretur contra voluntatem suam non absolute, quia nollet quidem: nihilominus tamen quia mandatur ei sub aliqua poena: est suo modo contentus, & acceptat, eò quod recipit Ordinem, quia intendit ordinari magis quam talem inobedientiam incurrere, unde poterit quis ad hoc cogi per Superioris præceptum, exempli causâ ad Episcopatum & ad Curam animarum secundum plures *DD.* teneturq; obedire, nisi adsit legitimum impedimentum. Ad eum effectum venit intelligendum illud Sacratissimarum

Legum Justiniani Imperatoris 31ma. *de Elect. Episc.* inscripta. *C. de Episc. & Cleric. = precibus ordinetur Antistes. Tantum ab ambitu debet esse sepositus, ut queratur cogendus, rogatus recedat, invitatus effugiat, sola illi suffragetur necessitas ordinandi. Profectò. enim INDIGNUS EST SACERDOTIO; NISI FUERIT ORDINATUS INVITUS.* Prætereà què sine necessitate cogens invitos ad Ordines manet puniendus. *can.* Gesta quæ *Dist. 74. c.* Perlatum. *de His quæ vî metvè cau. fi.*

26. Ordinatus ex metu cadente in constantem virum: non censetur exinde teneri ad servandam continentiam, si non vult; quia continentia non debet alias obstringere, nisi voluntaria. *can.* Ante triennium. *Dist. 31.* utpote res magis *Voti* quàm *Præcepti.* *can.* Integritas. 32. *qu. 1.*

27. Ast si talis non habebat Uxorem quando fuit Ordinatus, tenetur consentire, per *can.* De iudæis. *Dist. 45.* quod si habebat quando Ordinatus fuit & ipsa velit continere; ipse etiam tenetur continere, propter Ordinem Sacrum quem recepit.

Reliquum nunc restat ut ad *Sacramenti Matrimonii* materiam ulterior tractatio dirigatur.

§. 7mus.

§. 7^{mus}

De Magno Matrimonii Sacramento.

Ad Decreti Partem I. Dist. XXVII. Partem II. Causas: XXVII. XXVIII. XXIX. XXX. XXXI. XXXII. XXXIII. Decretal. Gregor. Lib. IV. Titulos fere omnes. Similiter in Sexto. Lib. IV. Instit. Lib. II. Tit. IX. X. XI. XII. XIII. XIV. XV. XVI.

Considerari MATRIMONIUM potest sub triplici ratione; vel ut est Contractus naturalis in officium naturæ, vel Contractus Civilis, vel denique ut SACRAMENTUM Novæ Legis, ex quo etiam suum habet, distinctum quidem; sed idoneum & subordinatum huic triplici rationi correspondentem finem. Et sic: quatenus Officium naturæ ad propagationem & conservationem humani Genêris ordinatur, ut Contractus Civilis Reipublicæ paci & tranquillitati consulit, amicitia, affinitates, fœdera, inter Cives amplificando: prout Sacramentum Novæ Legis Conjuges Gratiâ exornat, Ecclesiam ditat pia & fidei prolis educatione, concupiscentiæ frænulum injicit, ac procurat remedium, in hunc sensum ait Concilium Moguntinum Annò MDXLIX. cap. XXXVI. Ante omnia autem

opus esse censetur, quid sit? statuere, videtur sic posse definiri = Est Contractus Viri & foeminae legitimus, quo mutua corporum traditur potestas, Gratiæ spiritualis collativus. Sive denique prout in c. Illud quoque. de Præsumpt. & pluribus aliis locis apud Canonistas definitur = Maris & foeminae legitima conjunctio individuan vite consuetudinem retinens.

Inter alia Sacramenta meruit adnumerari, contra Hæreticos & Sanctæ Romanæ Ecclesiæ infensos, negantes illud esse Sacramentum, quos novissimè Concilium Tridentinum anathemate perstringit Sess. 7^{ma}. can. 1. de Sacram. in gen. & Sess. 24. can. 1. de Matrim. de quo etiam in Decretalibus GREGORII; LUCII III. Pontifex passim per tot. c. Ad abolendam. de Hæret.

Quinimò cæteris ratione loci, temporis, amplitudinis atque Mysterii

sterii Sacramentis præstat, unde ab Apostolo *ad Eph. 5. v. 32.* MAGNUM SACRAMENTUM in CHRISTO & ECCLESIA compellatur, eò quod cæteris ratione *loci, temporis, amplitudinis* atque *Mysterii* præstet Sacramentis. *Loci*: siquidem primariò ordinatum fuit in Paradiso, eaque duplex fuit illius Institutio. *1^a* in Paradiso pærimis, ut dictum, est ad hoc: ut esset immaculatus thòrus & honorabiles nuptiæ, ex quibus sine ardore concupiscentiæ conciperent. *2^a* propter illicitum motum eliminandùm extra Paradisum facta est, ut infirmitas prima in ruinam turpitudinis; honestate exciperetur Conjugii, teste Apostolo *1^a Corint. 7^{mo}. v. 2. 3. 4. & 5^{to}.* jam verò apud Gratianum *can.* Sicut non omnis. *32. qu. 2. §.* His ita respondetur. — *Temporis*; quia ab Orbis primordio à DEO Ipso fuit institutum. *Gen. 2. v. 28. Crescite & multiplicamini &c.* — *Amplitudinis*. quia saltem præcisè prout est *Contractus* quidam *Civilis* inter infideles etiam consistit, secundùm Apostolum *1^a Corint. 7. v. 13.* INNOCENTIUS III. *c.* Gaudemus. *de Divort.*

Mysterii tandem: eò, quia animorum consensus *Charitatem* significat, quæ consistit in spiritu inter DEUM & justam Animam five *Ecclesiam*. Corporum verò *commixtio* Conjugium designat quod inter CHRISTUM & ECCLESIAM per INCARNATIONIS Mysterium est contractum. *c. Debitum. de Bigam. non ordinan.* Siquidem Matrimonium præter alia Bona fuit institutum præcipuè causà educandæ sobolis, ut scilicet: *amanter* suscipiatur & *religiosè* educetur ad præscriptum *can.* Omne itaq; *27. q. 7. ubi S. AUGUSTINUS* triplex bonum Conjugii fuisse in Parentibus CHRISTI DOMINI seorsivè enumerat, nempe: *Prolem, Fidem & Sacramentum.* — Per prolem cognoscimus Ipsum DOMINUM nempe JESUM. Sic Ille in dicto *Canone* — Affertur similiter causa. *can.* Sicut. *§. His ita. 32. qu. 2.*

De *Materia & Forma* ac præsertim de *Materia proxima* Sacramenti Matrimonii: nihil ad hodie definitum est ab Ecclesia, unde tanta Opinionum varietas & dissonantia nascitur, salva semper & integra Sacramenti istius veritate. MATE-

MATERIA remota Sacramenti Matrimonii sunt corpora, proxima verò *Actus Contrahentium*, & prout sibi mutuò Corpora tradentium, FORMA tandem verba quibùs Sacerdos eos in Matrimonium coniungit.

Sententia proin quæ assignat Episcopum vel Sacerdotem pro *Ministro* Sacramenti Matrimonii; verò magis accedit & probabilior est. — Ille siquidem videtur esse Minister Sacramenti Matrimonii; qui est Minister Benedictionis *essentialis* ac omnino *necessaria* ad obtinendam Gratiā huius Sacramenti, & qui verè Contrahentes coniungit in Matrimonium, talis utiquè est Episcopus vel Sacerdos, quod clarè demonstratur ex Concil. Triden. *Sess. 24. de Reform. Matrim. cap. 1.*

Eandem *Sententiam* paulò ante Concilium Tridentinum amplexi sunt Patres Concilii Colonienfis Annò MDXXXVII. *part. 7. cap. 40.* quorum hæc verba sunt — *Quod Sacramentum Matrimonii: si quis sicut decet acceperit; accedente Sacerdotali precatione confert Donum SPIRITUS SANCTI, quo Vir diligit uxorem amore ca-*

*sto; sicut CHRISTUS dilexit Ecclesiam. — ubi per verba — accedente Sacerdotali precatione: manifestè demonstratur mentem huius Sanctæ Synodi hanc esse — Sacerdotalem precationem seu verba quibùs in celebrando Matrimonio utitur Sacerdos, esse Formam huius Sacramenti, qua positā confert Donum SPIRITUS SANCTI. Et in Enchiridio quòd iussu ejusdem Concilii editum est, c. penult. de Matrimonio dicitur — *Quantò magis putandum est, in nova Lege, Sacerdotes qui legatione pro eo funguntur; legitimos huius Sacramenti Ministros esse.* Insuper post Concilium Tridentinum confirmata fuit eadem *Sententia* in pluribus Conciliis Provincialibus — utpote in *Cammeracensi* quod refert *Sylvius Annò 1567. cap. 1.* Cùm constet (inquit) in Matrimonio habendam esse rationem non solum *Divinæ Constitutionis*, sed etiam *Sacramenti & Gratiæ* quam in Illo consequuntur *Fideles*, admonendos esse duimus *PAROCHOS* huius *MINISTROS. &c.**

In *Remensi* Annò 1583. — *Nuptiis* (inquit) rite completis ita se componant *Conjuges*, ut putent;

se non à Sacerdote sed per eum à
CHRISTO Conjugiorum Præsule
conjunctos.

In *Turonensi* Annò eod. 1583.
similis forma celebrandi Matri-
monii præscribitur quæ in Tri-
dentino. In *Aquensi* 1585. *Me-*
xicano ejusdem Anni. *Rothoma-*
gensis Annò 1581. = *Avenionensi*
An. 1595. *Mecklinen.* An. 1607.
eadem pariter forma legitur
præscripta.

His si adduntur *Ritualia* =
Romanum vetus Ann. 1494.
collectum per Albertum *Castel-*
lanum *Dominicanum* = hæc habet
= *Contrahentibus respondentibus*
senec affines nec consanguineos &c. =
Sacerdos pronuntiet verba quæ sunt
FORMA hujus Sacramenti. Alte-
rum *Romanum* jussu PAULI V.
editum, in Præfatione; inter Sa-
cramenta quorum administratio-
nem ait pertinere ad Parochos,
recenset *Matrimonium*. Et in o-
mnibus editis ab Anno 1589.
Ritualibus Romanis hæc verba
à Sacerdote proferenda notantur
= *Ego vos conjungo.* Qui Ritus
in omnibus fere particularium
Ecclesiarum Ritualibus Libris
præscriptus quoque legitur. Un-
de in *Manuali Atrcbatensi* Annò

1600. dicitur = *Sponsus &*
Sponsa debent fieri Conjuges, dicen-
do = *Ego vos conjungo.* Manuale
verò *Iprensæ* Anni 1576. & *Me-*
cklinensæ Anni 1589. jubet ut Sa-
cerdos tanquam Ecclesiæ Mini-
ster dicat = *Vos in Matrimonium*
conjungo. = In Rituali *Mediolanensi*
præscribente S. CAROLO BORRO-
MEO Actorum parte 4. dicitur =
Quinque duntaxat esse Sacramenta
quæ Parochus ex Officio administra-
re potest = *Baptismum, Eucharis-*
tiam, Pœnitentiam, Matrimonium
& Extremam Unctionem. Plura in
rem eandem brevitatis causâ
hîc missa sunt. Videatur P.
Martene. de antiquis Ecclesiæ
Ritibus tom. 2. par. 2. Lib. 1. cap. 9.
ubi laudat in rem eandem pag.
639. Ordo XIII. *Rituale Remense*
pag. 645. ibi = Ordo XIV. *Ritu-*
ale Leodiense pag. 948 Ordo XV.
= *Ambrosianum* jussu Cæsaris
Montii Cardinalis & Archiepi-
scopi *Mediolanensis* editum.

Hinc est: quòd quametsi *se-*
cundæ & ulteriores Nuptiæ carent
quidem Benedictione accidentali
quæ intrâ Missarum Solemnia à
Sacerdote pronuntiatur mox post
dictum in Canone = *Libera nos*
quæsumus. quod incipit ab his

ver-

verbis in Missali Romano ex-
 pressis = *DEUS Abraham, Deus*
Isaac & Deus Jacob, sit vobiscum,
& Ipse adimpleat benedictionem su-
am in vobis: &c. five Benedictio
 Nuptiarum Canonice non fiat in
Missâ sed extra illam, incipit
 ab illis verbis in *Rituali Synodi*
Provincialis, Ecclesiarum Regni
Poloniæ & M. Ducatus Lithua-
niæ = Propitiare Domine. ubi
 Sacerdos ultra prosequendo di-
 cit in fine = *Benedictio DEI*
Omnipotentis &c. Ast non carent
 alia Benedictione *essentia*li, per
 quam Sacerdos tanquam DEI &
 Ecclesiæ *Minister* Coniuges in
 Matrimonium coniungit, & quæ
 talis est = *Quos ergo DEUS*
conjunxit, homo non separet. Et
ideo Matrimonium inter vos contra-
ctum, Ego autoritate Ecclesiæ Ca-
tholicæ confirmo & benedico. five
 quod dicere debeat præsertim
 in secundis vel tertiis &c. Nu-
 ptiis Sponsæ: *ratifico. In Nomine*
Patris &c.

Causa verò & ratio cur *secun-*
dis & ulterioribus Nuptiis dene-
 get Ecclesia *Benedictionem* illam,
duplex est potissimam. *ima.* quia
 secundæ & ultiores Nuptiæ
 quandam præferunt inconti-
 nentiæ speciem, à qua procul o-

mino abest Castissima CHRISTI
 Sponsa, unde poenitentiam im-
 ponebat olim secundò nubenti-
 bus & Benedictiōem denegabat,
 ut magis inde suum ad conti-
 nentiam studium & amorem si-
 gnificaret. Hanc rationem &
 causam nitidè exponit *Rituale*
Leodienſe apud præfatum *Patrem*
Martene de antiquis Ecclesiæ Ri-
 tibus tom. 2. par. 2. Ord. XIV.
 pag. 647. in hæc formalia verba
 = *Hanc benedicendi formam (in-*
quit) non impendit Sacerdos secundis
Nuptiis sed primis duntaxat, non
quidem quod secundæ Nuptiæ non
verum legitimum Matrimonium con-
tineant, sed quod non tam perfectè
sicut primæ CHRISTI DOMINI unius
Sponsi cum sua Ecclesia unicam ac
simplicem repræsentent conjunctio-
nem. 2da ratio erat, quia Bene-
 dictio hæc instar est cujusdam
 Consecrationis, cujus finis est
 fœcunditas mulieris. Cum igitur
 Consecratio non interetur, &
 mulier quæ jam nup̄at fœcun-
 ditatem adepta præsumatur, non
 repetitur illa *Benedictio* quæ tota
 tendit ad impetrandam fœcun-
 ditatis gratiam. Rationem hanc
 reddit *Concilium Lateranense III.*
 sub ALEXANDRO III. Tit. de *ſe-*
cund. Nupt. cap. 1. tom. 10. Con-

cilior. pag. 1597. Vir (inquit) vel mulier ad bigamiam transiens non debet à Presbytero benedici, quia: cum alia vice benedicti sint, eorum Benedictio non debet iterari.

MINISTER ante Concilium Tridentinum non erat necessarius, quia poterat esse verum Matrimonium sine Ministro. At verò Sess. 24. cap. 1. de Reform. est annullatum Matrimonium clandestinum, & statuitur — ut nisi adsit Ordinarius, vel Curatus, Parochus, & ad minus duo Testes, tunc nullum sit Matrimonium, quia eorum assistentia pertinet ad essentiam Matrimonii tanquam Ministri & Testium, non tamen antea pertinebat, adeò: ut in nullo prorsus casu post Concilium Tridentinum in iis locis in quibus receptum fuit valere possit Matrimonium clandestinum, eò: quia Lex hæc est generalis absque ulla prorsus exceptione. An verò Matrimonia clandestina illicita & irrita fuerint ante Concilium Tridentinum? quantum ad idum semper illicita fuisse & contra Ecclesiæ Leges Matrimonia clandestina ait dicta Synodus Tridentina locò sæpe citato Sess. 24. cap. 1. — Sancta DEI

Ecclesia: ex iustissimis causis illa semper detestata est atque prohibuit. Prohibitionis istius tot sunt argumenta, quot extant Ecclesiastici Canones, ex quibus clarè elicitur, omnino ad hæc requiri, ut Matrimonium coram Ecclesia publicè & cum Benedictione Sacerdotis, nequè alias nisi cum illa adhibita celebretur, ad quod legantur Sacri Canones frequentes & multi, prout can. Aliter legitimum. can. Nullus fidelis. can. Nostrates. can. Qualis debeat esse. can. Sponsus. & can. Nullum. Scilicet sex priores Canones Causæ XXX. qu. V. in quibus Gratianus vetera eam in rem Statuta dilucidè collegit.

Quò verò ad idum num. irrita? non consentiunt inter se Theologi, verum quidquid sit de hac postrema Sententia quæ tota est facti; bellè certum esse videtur minimè à Concilio Tridentino tanquam de Fide fuisse definitum, clandestina illa Matrimonia semper rata & valida fuisse; hæc sunt præfacta Concilii prædicti verba —

Ultra hæc in genusplex est Matrimonium. Legitimum tantum, quod solo consensu perficitur, ut

ut inter infideles, aut non potest consistere Sacramentum. *Legitimum & ratum* ut inter Fideles quod est *Ratum* idest *firmum* etiam ante copulam, neque habet rationem talis cum contrahit Fidelis cum infideli. = Tridentinum *Sess. 24.* Aliud dicitur *Consummatum* quod per copulam perficitur.

SUBJECTUM Sacramenti Matrimonii per verba *de presenti* solemniter ineundi sunt *Vir* pubes & *Mulier* viripotens, baptizati, simul invicem consentientes in mutuam atque indissolubilem vitæ societatem. Aliud enim est dicere de Sponsalibus quæ Matrimonium *de futuro* quandoque solent appellari. *Puberes* si dicuntur qui annum quartum supra decimum compleverunt. *Viripotentes* quæ annum duodecimum. Pubertas ipsa iudicatur non tam ex annis; quam corporis habitu. *c. Puberes. de Desponsat. impub.* itaque; si malitia ætatem suppleat; etiam minores ea ætate contrahere possunt. *d. c. Puberes. & c. Ubi non est consultus. de Desponsat. impub.* Idem permittitur aliquando urgente necessitate, veluti: *pro bono pacis:*

ut in *sepe dicto. c. Ubi non est consensus.*

Tametsi interveniente Parocho tanquam *Ministro* & assistentiâ Testium debita, solo legitimo Viri & mulieris consensu Matrimonium & Nuptiæ contrahuntur, verba tamen quod ad Ecclesiam præsentem consensum exprimentia sunt necessaria, si Contrahentes loqui poterunt, alias: signa sufficiunt. *c. Tuæ Fraternitati. de Sponsal. & Matr.* verba ad exprimendum consensum Matrimonii sive Nuptias apta, sunt hæc: vel similia = *Ego te in meam Uxorem accipio, & = Ego te accipio in meum Maritum.* sive: hujuscemodi consensum *de presenti* saltem significantia. *c. Ex parte. de Sponsal. & Matrim.* Verba verò in Matrimonio contrahendo per alterutrum Contrahentium inquantum si sunt obscure prolata, accipienda erunt secundum communem intellectum. *c. Ex literis. de Sponsal. & Matrim.* plura videre est. *can. Sufficiat. 27. qu. 2. c. Cum apud Sedem. de Sponsal. & Matrim. c. Cum locum. eod. Tit. c. Tuas dudum. de Sponsa duor.*

Impe-

Impedimenta & causæ quibus Matrimonium impeditur imò quæ non solum impediunt Matrimonium, sed etiam *dirimunt*, secundum jus antiquum sunt XII. secundum verò jus novum sunt XIV. nam *Concilium Tridentinum* duo addidit, scilicet: *Raptum* & defectum præsentiae *Parochi* & *Testium*, quæ omnia & singula Impedimenta his continentur versibus = *Error, Conditio, Votum, Cognatio, Crimen, Cultus disparitas, Vis, Ordo, Ligamen, honestas, Ætas, affines, si clandestinus & impos. Raptus sit Mulier; nec parti reddita tutæ.*

Inter hæc: alia dissolvunt sive dirimunt, à quo *dirimentia*; alia Contractum duntaxat *impediunt* unde *prohibitia* vocantur. Ex illis porro Impedimentis *dirimentibus* nonnulla sunt Juris *naturalis* hoc versu comprehensa:

Mens agra; & Coniunx: vis, error, inertia, sanguis.

Alia verò Juris duntaxat *Ecclesiastici*, quæ his versibus continentur. =

Ordo Sacer, Votum, necnon: Sponsalia f. ma,

Atque duplex Crimen, quadruplex Cognatio, Raptus,

Si Baptisma deest, ætas, Testes Parochus v. c.

Insuper: *simpliciter prohibitia*

dicuntur ea, quæ illicitum faciunt Conjugium, *impediuntque* ne contrahatur, sed *non dirimunt* contractum.

Ligamen. quod dirimat Matrimonium posterius non solum jure *Ecclesiastico* sed etiam *naturali & Divino*; constat ex c. Duobus. c. Licet præter. & cit. c. Tuas dudum. de *Sponsa duor. cit. item c. Gaudemus de Divort.*

Impedimenta porro quæ impediunt sed non dirimunt sunt in duplici differentia: etenim alia sunt quæ non proveniunt ex *delicto*, alia verò quæ ex *delicto* proveniunt. Priora sunt quinque & continentur in his versibus =

Ecclesie vetitum, necnon: tempus feriatarum Atque Catechismus, Sponsalia, jungito Votum,

Impediunt fieri; permittunt facta teneri.

Impedimenta verò *impedientia* quæ oriuntur ex *delicto* sunt *septem*, in his versibus continentur =

Incessus, Raptus, Sponsata, Mors mulieris, Susceptus propria Sobolis, Mors Presbyteri is,

Vel: si peniteat solemniter: sūt Monialem Accipiat: prohibent hæc Conjugium sociandum

Disparitas Cultus propriè est inter baptizatum Christianum & non Christianum seu infidelem.

Olim

Olim non fuit semper Impedimentum *dirimens*, imò ab ætate S. AUGUSTINI Legibus IMPERATORUM ipsa concurren- te ac consentiente Ecclesia ad hæc usque tempora Impedimentum isthoc iaductum fuisse, latè demonstrat. Decretum Gratiani Causa 28. qu. 1. ex quo: inferre licet; præsens istud Impedimentum juris esse *Ecclesiastici*.

Jam verò hodie non viget, sublatum est Impedimentum *Catechismi*, quod prius ligabat eos, qui Infantem ritè jam baptizatum suscipiebant, ut circa eum supplerentur omisæ *Cæremoniæ*, quæ dicuntur *Catechismus*.

Pro intelligentia Capituli 1 mi Concilii Tridentini Sess. 24. de re- form. = Matrimonium potest dici *tripliciter* clandestinum. Imò. quando deficiunt Testes. 2dò. quando præsentia Parochi. 3tiò. quando tres denuntiationes in Ecclesia. *Primum* si contrahitur sine Testibus, licètsi cum præsentia Parochi, est clandestinum, *irritum & nullum*. Similiter si cum Testibus & sine præsentia Parochi: licèt cum præsentia alterius Sacerdotis, non tamen de licentia Parochi.

vel Ordinarii, = *est clandestinum*. Concil. Trident. loc. cit. §. *Qui aliter quam præsentè Parocho &c.* Declaratio Sacra Congr. n. 68. ubi expressè dicit = *quod ab Episcopo debet declarari irritum & nullum*. Si verò deficient Denuntiationes; dicitur *clandestinum*. Rebus. pract. Benef. in reg. de Dispensat. in Grad. prohib. gl. 5. n. 54. & tenet. Matrimonium, sed hoc si omisæ fuerint cum Licentia Ordinarii, vel sine illa, nam Ordinarius potest omitte- re unam, vel duas, vel omnes Denuntiationes, si id sibi expedire visum fuerit. Concilium idem loc. cit. verb. = Quod si quis. Navarrus Confil. 22. n. 70. & alii.

Per Parochum censendus venit, Is, qui habet *Ordinariam Jurisdictionem* in Contrahentes, utpote qui *Domicilium* & habitationem in ejus Parochia contraxerunt; Item Episcopus vel Ejus Vicarius in sua Diocesi, uti & PAPA, item Capitulum Sede Vacante, Cardinales in Ecclesia sui Tituli, Legati in sua Provincia. Imò quandoq; sufficit si habeat Titulum saltem *coloratum*, ita ut communi

errore habeatur *Parochus*, nec fit intrusus absque omni Titulo, etiam si sit *excommunicatus*. *Parochus* tandem vel quivis habens jurisdictionem Ordinariam, ex *rationabili causa* potest alium sibi substituere, non tamen *nisi Sacerdotem*; Consultius siquidem est, & prout in praxi: quod *Parochi* nondum *Sacerdotes* ab hoc Officio administrandi Sacramentum Matrimonii abstineant, illudque alii *Sacerdoti* committant, nam probabilissima *Sententia est*, quæ statuit *Sacerdotem* esse MINISTRUM Sacramenti Matrimonii, FORMAM *essentialem* esse verba ab ipso in Copulatione Conjugum prolata. — Ego vos in Matrimonium conjungo. Et datò; quod ipsemet *Parochus* posset interesse *Contractui Matrimonii*: licetsi fuerit *Sacerdos*, committere tamen non posset alteri vices suas ad hoc, alteri certè non *Sacerdoti*, ut deducit *Navarr. Cons. 30. n. 5. in fin. de Sponsal. in antiqu.* Imò neque *Episcopum* posse committere tales vices, alteri quam *Sacerdoti*: ostendit *id. Navar. Cons. 44. ib. apud PIASECKI, prax. Episcop. par. 2. cap. 4. art. 4.*

Utrique Conjugi post contractum Matrimonium sed nondum consummatum concessum fuit spatium duorum Mensium ad deliberandum de Ingressu in Religionem, quo tempore uterque *Conjux* potest alteri petenti negare debitum, & licetè potest Religionem ingredi, etiam si altero invitò. Elapsò vero bimestri: peccaret non reddendo debitum petenti. Nihilominus, si elapso bimestri Religionem ingrediatur & profiteatur ante consummatum Matrimonium; validè proficitur & Matrimonium antecedens dissolvitur, nam Matrimonium ratum non consummatum dissolvitur per solemnem Professionem Religionis approbatà, itaque etiam dissolvitur in proposito casu, cum Matrimonium sit tantummodò ratum, quamvis deliberatio ingrediendæ Religionis facta fuerit post bimestre. ut bene ait *Perez. de Matrim. §. 18.*

Quum materia hæc sit locupletissima; solum collecta hinc ea, quæ sunt frequentiori praxi indies consideranda obveniunt. Appositè præmissis correspondent sequentes —

RESO.

RESOLUTIONES CASUUM.

1. *Conditionata* Matrimonia de præfenti vix jam possunt accidere post Concilium Tridentinum, secundum quod (ut dictum) clandestina Matrimonia annullantur, in *Sponsalibus* quæ possunt fieri *clandestina* & sine omni solemnitate censentur facile accidere.

2. Valide contrahunt *steriles*, eò quia etsi sint impotentes ad generationem: non tamen ad copulam, atque adeò sunt capaces omnis Juris & obligationis Matrimonii, tum & quod susceptio prolis licet sit *præcipuus*; non tamen *unicus* nec immediatus finis Matrimonii, eadem est ratio de iis quæ non edunt foetum nisi cum periculo vitæ propriæ; vel nisi mortuum.

3. Explicanda est in Confessione Sacramentali circumstantia *Persona* circa quam fuit *delectatio*, namque: delectatio de *Uxore* alterius habet malitiam adulterii contra castitatem & contra justitiam. = delectatio *de consanguinea* non solum habet malitiam stupri aut fornicationis sed etiam Incestus, & delectatio *de Moniali* non solum ha-

bet malitiam simplicis fornicationis: sed etiam sacrilegii.

4. Parochus aut alius cognoscens scēminam quam baptizavit, committit Incestum ratione Cognationis Spiritualis, confurgentis ex collatione Baptismi.

5. Hoc loco addi potest = etiam *Parochum* habentem copulam cum *sua Parochiana* committere speciale peccatum, etiamsi eam non baptisavit, peccat namque contra proprium Officiū, eò: quod ei specialiter incumbat Cura procurandæ salutis suorum *Parochianorum*, & teneatur ex Officio *Oves sibi subjectas bonis moribus imbuerē*.

6. *Furor* impedit Matrimonium contrahendum; non tamen contractum dirimit. *can. Neq; furiosus. 32. qu. 2. c. Dilectus Filius. de sponsal. & Matrim.*

7. *Lepra* non impedit Matrimonium, non compelluntur tamen ad Matrimonium contractis Sponsalibus inter Ipsos, lepra post superveniente. *c. Pervenit. c. Quoniam. sequ. de Conjug. leprosor.*

8. *Procurator* Matrimonii ad hoc *specialiter* constitutus *substituere* non potest, nisi hoc ei *specialiter* commissum fuerit. *c. final. de Procurat. In Sexto.* Imò si talis *Procurator* etiam revocatus *ignoranter* contrahat; non tenet Matrimonium. *cod. c. in Sexto.*

9. *Paganus* si prius plures habuisset Uxores & postea convertatur, post Fidem susceptam adhærebit *primæ*. ad præscriptum *c. Gaudemus. de Divort.*

10. Si alter infidelium Conjugum convertatur, & antequam alteri *Ipse conversus* legitime conjunctus fuerit, siue quoque convertatur, debent se *invicem* recipere. *d. c. Gaudemus. ibi* = Quòd si conversum ad Fidem.

11. Tempore *Interdicti* potest *Parochus* Nuptias benedicere licet; nempe Sacramentum Matrimonii administrare publice & solemniter, januis scilicet Ecclesiæ apertis, & alta voce, in illis Festivitatibus in quibus tempore *Interdicti* ex annexo & speciali Privilegio licitum est celebrare *Divina Officia* solemniter, quales Festivitates expressæ continentur. *in c. Alma*

Mater. de Sent. Excom. in Sexto. Scilicet: Festum Natalis DOMINI, Paschatis, Pentecostes, Ascensionis DOMINI, CORPORIS CHRISTI cum tota Octava. Hoc tamen intelligendum est quatenus ex parte *Interdicti*, ut Censuræ Ecclesiasticæ, *Interdicti* nimirum *Localis*: quia tunc *Officia Divina* permittuntur, secus autem ex parte *Temporis*, si alias sit prohibitum, quale est = Ab Adventu DOMINI nostri JESU CHRISTI usque in diem Epiphaniæ, & à feria 4ta Cinerum; usque in Octavam Paschatis, inclusive = ex *Concil. Trid. Sess. 24. de Reform. cap. 10.*

12. Si Vir dicat = *ex nunc* = vel = *semper* = vel = *omnibus diebus vite meæ* volo deinceps = vel *posthac* = vel = *ab hoc tempore* habeo te = vel *tenebo te in Uxorem.* = vel = *Volo habere te & tenere in Uxorem.* = vel = *Providebo tibi sicut Uxori.* = vel = *Eris mea Uxor.* = & Fœmina consentiat; in assistentia Matrimonio debita, erit Matrimonium *de presenti.* quia licet si hujusmodi verba quò ad formam & prout sonant sint. *de futuro,* significant tamen Consensum *de*

præ-

presenti, ratione adjuncti: propter
dictiones scilicet & particulas
illas adjunctas = *ex nunc*. vel =
semper vel = *omnibus diebus vite
meae*. vel = *deinceps* = vel = *post-
hac*. = vel = *ab hoc temporis*.
can. Si quis Divinis. 30. qu. 5.

c. Ex parte. de Sponsal. & cc. DD.
13. Absolutè & per longum
tempus, aut ubi Neosponsi in-
starent, non licet Matrimonium
detinere, propterea: quod donec
Christianam Doctrinam Contra-
hentes didicerint: sed expedit
suaviter & absque violentia ad
breve tempus impedire, ut sic
Doctrinæ addiscendæ curam ha-
beant. ita definivit *Sacra Con-
gregatio Concilii. Die 6ta Martii
A. D. 1588.* imò idem censuit
& contra non addiscentes, so-
lùm esse admonitionibus etiam si
comminatoriis; suaviter tamen &
cum prudentia debita proceden-
dum.

14. *Parochi duo* quorum unus
copulet Sponsos præsertim qui
est Parochus Sponsæ, alter assi-
fiat, possunt adesse Matrimonio
ejus; ubi si quis Sponsorum di-
midia Anni parte in una Parochia;
altera dimidia in alia habitare
consuevit. Navarr. *Consil.* 7. n. 3.

de Clandest. desponsat. in novis. Ubi
verò inæqualitas habitationis
datur; majoris temporis pars
eum facit Parochum, in quo ha-
bitatio fit. Barbosa *alleg.* 32.
n. 69.

15. Si *pestilentia* grassantis
tempore: tam diebus Festivis
quàm profestis sive seriali-
bus, Ecclesiæ frequentatione
populi ad Divina audienda ex
hac causa destituantur, nolintq;
Sponsi in tanta Matrimonii di-
latione ex causa, etiam si levi con-
sentire; non tenentur expectare
liberationem à peste, sed possunt
Parochum cogere pro Matri-
monio celebrando, juxta eaque
de *Parocho* circa hoc Sacramen-
tum dilucidè & clarè edocet
Sanchez *Lib. 3. de Matrim.*
Disp. 39. à num. 5. ad 14

16. Graviter peccat qui de-
nuntiat falsa Impedimenta, sive
malitiosè objicit Impedimentum
ad Matrimonium impediendum,
& est à Judice nempe Ordinario
Loci puniendus. c. Cum Inhi-
bitio. in fine *de Clandest. despons.*

17. Denuntiationes possunt
fieri in una tantum Parochia:
licet si Neosponsi sint diversarum
Parochiarum; ob parvam
distan-

stantiam Parochiarum, nec multum populò refertam, sufficiat in Parochia *unius*, five Viri five fœminæ, ut possint Impedimenta (si quæ sunt) manifestari, vel: quando *consuetudine* introductum sit, ut unâ duntaxat Parochia in qua scilicet Matrimonium celebrandum est; fiant. Laym. *Lib. 5. tract. 10. par. 2. cap. 4. n. 10.*

18. Qui novit Impedimentum *secretum* & omnibus occultum, vel five ipse sciat five probari possit: non tenetur illud denuntiare cum suo gravi & considerabili incommodo, vel aliorum scandalo saltim probabili. Comitoli. *Lib. 1. Resp. moral. qu. 112.* quia in his Casibus nec Fraternalis Correctio, nec Præcepta Ecclesiæ obligant; Unde etiam in tali *Casu* non denuntians Impedimentum occultum quod probare posset, non incurrit *Excommunicationem* latam (si alias lata sit) in Edicto Denuntiationum: contra scientes & non denuntiantes.

19. *Parochus* propria auctoritate potest & debet interdicare Matrimonium *opposito* aliquo Impedimento: ut constet ex c.

final. de Clandest. despons. in verbis ibi — *Cum autem apparuerit.* — Ast Parochus hoc Casu solum, *extrajudicialiter* interdicat, quod porro non est *Actus Jurisdictionis*.

20. Is qui intra *quatuor* Menses post peractas Denuntiationes non contraxit Matrimonium, non potest Matrimonium *mox* inire, nisi novas Denuntiationes denuo præmittat arbitrio Episcopi. Ita Cardinal. Congreg. apud Rebell. in *Declarat. Cardinal. Sect. 2. n. 8.*

21. Quando de Licentia Ordinarii una tantum Denuntiatio præmittitur, non statim ea facta contrahendum erit Matrimonium, sed per aliquod tempus *arbitrio* prudentis Viri differendum, ad hoc: quod deferri possint Impedimenta, si quæ extant inter Contrahentes. Ita Sanchez. Riccius. Gutierrez. & alii h. Tit.

22. Si *Petrucius* habens Uxorem contrahat *de facto* cum alia & cognoscat illam; five adulterium præcedat talem Contractum five sequatur inter *Petrucium* & adulteram cum qua *de facto* contraxit, stante priore Matri-

Matrimonio, nunquam poterit
esse Matrimonium. *c.* Signifi-
cavit nobis. *de Eo qui duxit in*
Matrim. quam poll. per adult. c.
Ex literarum. c. Si quis Uxore.
sod. Tit. Intelligendum prædi-
cta = Si mulier illa sciebat *Pe-*
trucium esse uxoratum quando
contraxit cum eo, *vel:* si nesci-
vit quando contraxit; sciivit ta-
men antequam adulteravit. =
vel = posteaquam sciverit ta-
men in post. cum eo se miscuit.

23. Quò ad *dissolutionem* Ma-
trimonii non sufficit publica vox
& fama, & Testes qui inducun-
tur in Causa Matrimonii debent
esse omni exceptione majores,
sicuti in *Criminalibus. c.* Quia
circa. *de Consangu. & Affinit.*

24. Dubitans de morte Con-
jugis non sufficit quòd expe-
ctarit per *quinquennium*; sed de-
bet expectare *certitudinem* mor-
tis Conjugis. *c.* DOMINUS ac RE-
DEMPTOR. *de secund. Nupt.* E-
tiam si certum dicatur; quòd per
violentas præsumptiones habe-
tur, verùm in *Re tanta* nempe
Sacramenti: debet significari
Testimonium tale: quo tollatur
omnis scrupuli & dubietatis cau-
sa. Unde non sufficit *vel distantia*
locorum; cùm: *ex remotissi-*

mis locis multi revertantur,
vel desperatæ Infirmittatis te-
stimonium: quum DEUS Omni-
potens ex portis ipsius mortis
multos retrahat. *Non absentiae*
diuturnitas = quia multi etiam
servitutis laboribus oppressi
longam vitam vivunt, & ut
alia *ex propinquo* omittantur e-
xempla, in *Gallis* non ita mul-
tis abhinc annis Joannes *Mail-*
lard post 43. usque absentiae suæ
annos redierit; tum licet toto
eo tempore nihil de ipso fuisset
auditum: Dercetò tamen *Sena-*
tus Parisiensis sancitum fuit, ut
Matrimonium ab ejus Uxore
contractum cum Viro qui plures
Ipsi filios procreaverat, & jam è
vivis interea excesserat, *nullum*
& *invalidum* haberetur. Plures
hac de re causas affert *Tour-*
nelly. Tom. 4. Prælection. Theo-
logic. de Sacram. Matrim. Art. 1.
de Impedim. dirim.

25. Parochus per se celebrare
Matrimoniam copulando Spon-
sos tenetur, nisi legitima gra-
vique de causa impeditus esset
= Sic obloquente *Encyclica* ad E-
piscopos *Poloniæ & M. D. Lithv.*
Annò 1743. edita, quæ incipit
= *Nimiam licentiam.* Bullarii
Tom. 1. n. 90. inserta.

26. *Consanguinei ex obtenta Dispensatione contrahentes Matrimonium sub conditione turpi vel impossibili, incidunt in Excommunicationem latam in Clem. unic. de Consangu. & Affinit.*

27. Sacerdos modò Sœcularis modò Regularis qui audet conjungere non sibi subditos sine Parochi vel Ordinarii Loci Facultate, incurrit ipso Jure Suspensionem donec absolvatur ab Ordinario illius Parochi, quod patet ex *Trident. Sess. 24. cap. 1. Sanchez. Riccius. Gutierrez & alii.* Jure antiquo incurrebat Excommunicationem per *Clem. Religiosi. de Privil. & excess. Prælat.*

28. Matrimonium Ratum & non consummatum dissolvitur per solemnem Professionem Equitum Militarium quales sunt Equites *S. Joannis Hierosolymitani*: etiam si non vivant in communium: quia sunt veri Religiosi, tum: quia alioquin neq; dirimeretur Matrimonium contrahendum, quod tamen dirimitur in Sponsalibus initis. ita *Henriquez lib. 11. cap. 8. n. 6.*

29. Pater & Filius cum Matre & Filia Matrimonium contrahere possunt. Item: duo Co-

gnati cum duobus Cognatis licet contrahunt, de quo est clarus textus in c. Quod super his. de Consangu. & Affinit.

30. Ad transeundum Gradus prohibitos: Sex personæ requiruntur quæ quintum Gradum constituent, in quo licitum est contrahere, & non minùs. Antiquitus jam in *Lege nova*, *Lege* nimirum *Gratie*, usque ad septimum inclusivè Gradum Matrimonia erant prohibita, prout de hoc statuit JULIUS I. PAPA, qui ad Pontificatum elevatus est Annò CHRISTI CCCXXXVI. Jam verò Concilium *Lateranense IV.* Annò MCCXV. celebratum, restrinxit Impedimentum Consanguinitatis usque ad quartum Gradum, nam *Canone L.* statuit sic: *Prohibitio quoque copulae Conjugalis: quantum Consanguinitatis & Affinitatis Gradum de cætero non excedat.* Hic Canon Concilii *Lateranensis* repositus est in *Decretalibus. c. Non debet. de Consangu. & Affinit.* Unde jure novo = *Affinitas non parit Affinitatem.* Sic pro Casu fit exemplum = Duo Fratres licet contrahunt cum duabus Sororibus & = ut jam dictum est = Pater &

& Filius legitimè conjunguntur, ille cum Matre vidua, iste cum ejusdem Viduæ Filia.

31. *Archiepiscopus* non potest *validè* esse *Minister* Matrimonio illi qui subditus est respectu sui Suffraganei Episcopi. *c. Pastoralis. de Offic. Ordin.*

32. Peccant mortaliter Sponsi *de futuro*; si deleantur de copula vel ut *præsenti*; vel: ut *futura*, ed: quia cui non est licita operatio; non est licita voluntas inde derivata.

33. Si puellæ etiam 25. annis majores *hoc non obstante* in Monasterio degant; non solum in Monasterii *Parochia* ubi parum *notæ* sunt; verum & in Patris aut Matris, Curatorumque *Parochia* ubi *notiores* sunt; *Banna* promulgari oportebunt, nisi si *Contrahentes* sint * *Magni Principes*, quorum *Parentela* facile nemini est incognita.

34. Si concedenda speretur *apud Quem de jure* unius aut duplicis Banni *Dispensatio*, curabit admonere *primario* illa denuntiatis, quatenus subinde revelare festinent, qui aliquid eo modo norunt revelandum.

35. Omne Impedimentum

perpetuum Matrimonii etiamsi *impedens tantum*; respectu Sponsalium sit *dirimens*.

36. Non solvitur conjugium per professionem *Vitæ Eremiticæ* extra Ordinem approbatum, quia Eremitæ hodierni *simplicia* tantum *Vota*; eaque ab Ecclesia pro solemnibus non acceptata emittunt. Nec etiam dirimitur per *Vota* à fœminis quibusdam piis *tertiis* (ut ajunt) *Ordinis SS. AUGUSTINI, DOMINICI, FRANCISCI.* emissæ.

37. *Separatio* Conjugum *ex mutuo Consensu* fieri poterit, si agitur de separatione thori *quò ad tempus*, ut constat *ex ima Corinth. 7. 45.* = *Nolite fraudare invicem, nisi fortè ex consensu ad tempus; ut vacetis Orationi, & iterum vertimini in idipsum. &c.*

38. Quòd si autem de *omni-moda Separatione* res sit: *Utrique* ex mutuo consensu; aut *uni* ex consensu alterutrius *licet* Religionem profiteri, & hoc de scitu Loci Ordinarii, & qui in sæculo remanebit obstringet se ad servandam Castitatem.

39. Ex *Sponsalibus invalidis* non confurgit Impedimentum publicæ honestatis, quamvis *jure*

antiquo confurgeret. *c. Ad audientiam. de Sponsal. & Matrim.* Non enim præstat impedimentum quod de jure non sortitur effectum. *per Reg. Jur. LII. in Sexto.* Exurgit tamen è Matrimonio invalido modò non sit tale defectus Consensus ut esset: in ebrio, in amente, coacto ex gravi metu injustè incusso. *cit. c. Ad audientiam. & c. Sponsa alterius. de Sponsal. & Matrim.*

40. *Parochus* circa Matrimonium debet adesse cum libertate: tum rationis advertentia, ita: ut si vel invitus ac per vim adductus sit, vel *Benedictionem* denegat, nullum sit Matrimonium. *can. Præsens. caus. 20. qu. 3.*

41. *Hæretici*: ubi Concilii Tridentini Decretum est publicatum, tenentur *Formam* ejusdem ratione Matrimonii observare, proptereaquè etiam ipsorum Matrimonia absquè *Forma Concilii* coram Ministro *hæretico* vel Magistratu Loci contracta, nulla atquè irrita sunt. *Sacra Congreg. Concil. ad Eppli. Tricarien. Consultationem per Hierony. Cardinal Matth. editam.*

42. *Infideles* nequaquam sunt

obnoxii Impedimento publicæ honestatis, siquidem isthoc: solo *Ecclesiastico jure* introductum fuit; quapropter: Si *Turca* contractis cum *Christiana* Sponsalibus ad *Fidem Orthodoxam* convertatur, poterit consanguineam in *primo Gradu* ducere, sic & de *Judæo* ac aliis *infidelibus* sentiendum est.

43. *Parochus* ad minus jungens in Matrimonium Sponsos non factis *Denuntiationibus*: incurrit pœnam *Suspensionis* à Divinis *per triennium*. ita præscribente *c. final. de Claud. Despons.* quæ tamen pœna non est lata, sed ferenda *Sententia*. Vincent. de *Jurisd. lib. 2. cap. 19. num. 34. de Dispen. Matrim.* Nihilominus Sanchez *lib. 3. Disput. 52.* adducit quinque Casus ex antiquioribus Theologis collectos. Similiter Reginaldus *lib. 31. n. 224.* in quibus sustinent, nequè; *Parochum*, nequè *Contrahentes* *Testes* vé Matrimonii: incurrere culpam aut pœnam ob omittas *Denuntiationes*, de una è numero harum paulò superiùs hic facta est mentio.*

44. Si *Causa Divortii* processit ab *Uxore*, eò: quia ab ipsa com-

commiffum fit *adulterium*, propter quod expulfa fuit à Marito, in tali casu Uxor perdit *Dotem*, & alimenta petere non valet. *c. Plerumqué. de Donat. inter Vir. & Uxor.*

45. *Parochus* licèfi poffit imò dum etsi debeat *oppoſito Impedimentò* Matrimonium interdicerè, non poteſt tamen de Impedimento *cognoſcere*, ſed illud debet ſtatim ad *Ordinarium* deferre, quia Impedimentorum Matrimonii *Cognitio* pertinet ad *Episcopum*. *DD. in can. De Conſanguinitate. 35. qu. 2. & 3.*

46. *Denuntiationes* poſſunt fieri eo tempore quo *Nuptiæ* prohibentur, ſicut decrevit *Congr. Episcoporum. die 12. Decembris A. D. 1589.* Namq; per *Interdictum* ab Eccleſia tempus, prohibetur certo Anni tempore ſola duntaxat Matrimonii ſolemnis *celebratio*, ex quo ad Banna extendi non debet. *can. Non poteſt. can. Nec Uxorem. 33. qu. 4. & c. Capellanus. de Feriis.*

47. Quum ad *Teſtes aſſiſtentia* Matrimonii requiſitos non addatur debere illos eſſe *omni Exceptione majores*; ſufficiunt etiam *infames, foemina, pueri habentes uſum ſufficientem ratio-*

nis, Parentes, domeſtici, aut ſervi: pro majori libertate & facilitate in contrahendo debet.

48. *Neceſſitas Denuntiationum* Matrimonialium deprehenditur ex *Præcepto Eccleſiæ* de eiſdem facto, non ſolùm in *Conſilio Lateranenſi IV. ſub INNOCENT. III. de quo refertur in c. Cum inhibitiò. de Clauſeſt. Deſpons. verùm etiam in Tridentino Sefs. 24. cap. 5. dum ait = Negandam eſſe Dispensationem ſuper Impedimento Matrimonii ignorato obomiſſas Denuntiationes. inquit = Non enim dignus eſt qui Eccleſiæ benignitatem facilè experiatur; cuius ſalubria Præcepta temerè contempſit. quæ verba utiq; denotant reatum culpæ mortalis in omittentibus prædictas Denuntiationes: ita explicat Eminentiffimus de Lauræa. de Impedim. Matrim. Diſp. 22. n. 335. ubi adducit textum expreſſum in *can. Si quis dogmata. 25. qu. 2.**

49. Si quis *Chriſtianorum* intendat Matrimonium inire tanquam *Contractum*; reſpuens rationem *Sacramenti*: nihil agit, ed quod ratio Sacramenti *inſeparabilis* ſit à Sacramento.

50 In Excommunicatione per *can. Nullus nequē. 26. qu. 2.* jam verò in *Conc. Trident. Sess. 24. cap. 9.* lata contra Dominos temporales, Magistratus & alios cujuscunque Gradus, qui subditos vel alios quoscunque directe vel indirecte cogunt, ne Matrimonia libere contrahant, non comprehenduntur Domini cogentes sua mancipia contrahere Matrimonium, sicut neq; comprehenduntur Patres vel uterq; & quis Parentum quorumlibet, qui prohibent vel cogunt invitos ad Matrimonium, nam *Concilium* loquitur de cogentibus qui habent jurisdictionem in Foro externo, quod patet legenti præfationem illius capitis allegati immediate *Concilio*. Idipsum in textu enuntiant Decretales GREGORII PAPÆ: *c. Cum locum. c. Requirit. in verbis ibi* — cum libera debeant esse Matrimonia — — — cum coactiones difficiles solent exitus frequenter habere. de Sponsal. & Matrim. *c. Gemma mulier. de Desponsat. impub.*

51. Quæ nubit cum Petro intelligens esse Joannem; cum quo tamen si sciret eum esse Petrum vellet etiam nubere; invalidè nubit.

52. Error aliquarum qualitatum non dirimit, nisi ponantur ut conditiones Contractus — ut: quod sit dives, nobilis & similia adjecta. vel quod si inducant in errorem Personæ, ut si quis diceret — *Ex filiabus Joannis nubo cum pulchriore.* — Error verò solius Nominis cum constet de Persona non impedit nec dirimit.

53. Qui juraverit aliquam ducere in Uxorem: si non subest Impedimentum eam ducendi in Uxorem; per Censuras Ecclesiasticas compelli potest, qua in re fusiùs informat Jus Canonicum. *c. Ex literis. de Sponsal. & Matrim.*

54. Rursus: Error conditionis servilis impedit & dirimit Matrimonium. Hoc autem impedimentum solum est de jure positivo, & ideo inter infideles non dirimit Contractum Matrimoniale. Quod ad Sacramentum ut in præsentì; recensitum est inter Impedimenta dirimentia: in verbo — *Conditio*. Sic expressa docent in *c. Ad nostram. de Conjug. servor.*

55. Servi ascriptitii qui prædia Dominorum perpetuò colere sunt obligati, & originarii

ab his descendentes non comprehenduntur in hac prohibitionem maximè quò ad *esse & valorem Sacramenti*; cùm verò simul includat & supponat *Civilem Contractum* Potestati Dominicæ eatenus videtur subiacere. Hujus siquidem est *Civilem ac Politicum Contractum* dirigere atque ordinare ad publicum Reipublicæ; ut in Magnis Familiis: ac earundem Familiarum bonum, honorem nec non tranquillitatem, quod Regum ac Principum sæcularium proprium maximè esse: res est per se clara & manifesta, tum multò magis de *Potestate Dominica* quàm in sibi *subjectos* ratione dotis, alimentorum, habitationis, &c.

56. Si secutum fuerit hoc *Impedimentum* post Matrimonium initum; illud non impedit. *cc. DD.*

Dirimentia prærecensita *Impedimenta* istius Sacramenti collecta sunt sparsim ex *Corpore Juris Canonici* utpote: *ERROR. can. Quod autem. 29. q. 1. c. Tua nos. De Sponsal. & Matrim. CONDITIO. c. Proposuit. c. Ad nostram. De Conjug. servor. VO-*

TUM. c. unic. De Voto & Voti redempt. Clem. un. De Consangu. & Affinit. COGNATIO. can. Post susceptum. & sequ. 30. q. 3. can. Ad Sedem. 35. qu. 5. c. Veniens. c. Tua nos. & sequ. De Cognat. Spirit. c. un. De Cognat. Legal. c. Non debet. De Consangu. & Affinit. c. final. De Cognat. Spirit. in Sexto. CRIMEN. can. Si quis. 31. qu. 1. CULTUS DISPARITAS. can. Cave. can. Non oportet. can. Si quis Judaicæ. 28. qu. 1. VIS. c. Significavit. De eo qui dux. in Matrim. quam poll. per adult. ORDO. c. De Diacono. & sequ. Qui Cler. vel vov. Matrim. contrah. poss. c. un. De Vot. & Vot. redempt. LIGAMEN. c. Licet. c. final. De Spons. duor. HONESTAS. can. Si æqualiter. 25. qu. 3. can. Si quis. 27. qu. 2. c. Juvenis. c. Ad audientiam. c. Sponsam. De Sponsal. & Matrim. d. c. Non debet. De Consangu. & Affin. c. Literas. De despon. impub. c. un. De Sponsal. & Matrim. in Sexto. ÆTAS. c. Continebatur. c. Attestationes. c. Tuæ nobis. De desponsat. impub. AFFINES. c. Si quis. De eo qui dux. in Matrim. quam poll. per adult. CLANDESTINUS.

extant plures citati jam superius Canones. *can.* Aliter legitimum. *can.* Nullus fidelis. *can.* Nostrates. *can.* Qualis debeat esse. *can.* Sponsus. & *can.* Nullum. 30. *qu. 5.* IMPOS. *c.* Ex literis. *c.* Fraternitatis. *De frigidis & malef. & impoten. cōdum.* RAPTAqué. &c. tum & DEFECTUS PRÆSENTIÆ *Parochi & Testium.* habentur expresa in

Concilio Trident. Sess. 24. cap. 1. Decreto de reform. Matrim. ubi per illa verba = ad celebrationem Matrimonii in facie Ecclesiæ. non ipsa omnino materialis, quamvis hoc maximè deceat, (exceptis tamen Ecclesiis Monialium) verum aliqua CHRISTI Fidelium multitudo coram qua fiat: datur intelligi, prout in can. Ecclesiæ. De Consecr. Dist. 1.

Ad Laudem & Gloriam Omnipotentis DEI, Beatæ MARIÆ VIRGINIS Gloriosæ, totiusquæ Hierarchie Cælestis, propagationem Fidei, cultum Justitiæ, & Religionis Christianæ salutiferum incrementum. &c.

Herburt. fol. 317. verb. Pax. §. Pacis & belli.








PERMISSU & APPROBATIONE
MAGNIFICI PERILLUSTRIS CLARISSIMI
& REVERENDISSIMI DOMINI
D. M. ANDREÆ DOMINICI
L I P I E W I C Z,

Utriusque Juris DOCTORIS & PROFESSORIS, Facultatis
Juridicæ PROCANCELLARII ac DECANI, Ecclesiarum; Ca-
thedralis Cracoviensis CANONICI, Collegiatæ SS. OO. Cra-
coviæ CUSTODIS, Parochialium in Koniusza & Igołomia CU-
RATI, Judiciorum Consistorii Generalis Cracoviensis ASSES-
SORIS, Librorum per Diœcesim Cracoviensem Ordinarii
CENSORIS, Ordinandorum & Approbandorum EXAMINATO-
RIS, Collegii Juridici SENIORIS PATRIS, Contubernio-
rum; Jurisperitorum & Regio-Jagelloniani, tum Academia-
rum; Posnaniensis, Tarnoviensis, PROVVISORIS, Studii
Universitatis Cracoviensis Generalis ac AMPLISSIMI

R E C T O R I S.











Biblioteka Jagiellońska

stdr0022316

